

福建全

福建續志


卷首

城池

福建續志

北至浙江温州府平陽縣界七百五里


東至海岸一百九十里





城府州福

圖總省



福建續志


卷首

城池

二


西至江西建昌府新都城界八百里

南至廣東潮州府海洋縣界一千九百里





三山全圖




福建續志

卷首

城池

三







福建續志

卷首

名勝

四







福建續志

卷首

名勝


五

釣龍臺





嵩山書院



福建續志

卷首

名勝

六

太姥山





福建續志

卷首

名勝

七





福建續志卷首

典謨

聖祖仁皇帝御製數理精蘊序

粵稽上古河出圖洛出書八卦是生九疇是敘數  
學亦於是乎肇焉蓋圖書應天地之瑞因聖人而  
始出數學窮萬物之理自聖人而得明也昔黃帝  
命隸首作算九章之義已啓堯命羲和治歷敬授  
人時而歲功以成周官以六藝教士數居其一周  
髀商高之說可考也秦漢而後代不乏人如洛下  
閎張衡劉焯祖冲之之徒各有著述唐宋設明經

福建續志

卷首

典謨一

算學科其書頒在學宮令博士弟子肄習是知算  
數之學實格物致知之要務也故論其數設爲幾  
何之分而立相求之法加減乘除凡多寡輕重貴  
賤盈朒無遺數也論其理設爲幾何之形而明所  
以立算之故比例分合凡方圓大小遠近高深無  
遺理也溯其本原加減實出於河圖乘除殆出於  
洛書一奇一偶對待相資遞加遞減而繁衍不窮  
焉奇偶各分縱橫相配互乘互除而變通不滯焉  
徵其實用測天地之高深審日月之交會察四時  
之節候較晝夜之短長以至協律度同量衡通食



貨便營作皆賴之以爲統紀焉今匯集成編以類相從提點線面體以爲綱分和較順逆以爲目法無論巨細惟擇其善者由淺以及深執簡以御繁使理與數協務有裨於天下國家以傳於億萬世云爾

世宗憲皇帝御製數理精蘊序

粵稽前古堯有羲和之咨舜有后夔之命周有商高之訪逮及歷代史書莫不志律歷備數度用以敬天授命格神和人行於邦國而周於鄉間典至重也我

福建續志

卷首

典謨一

二

皇考聖祖仁皇帝生知好學天縱多能萬幾之暇留心律歷算法積數十年博考繁蹟搜抉奧微參伍錯綜一以貫之爰

指授莊親王等率同詞臣於大內蒙養齋編纂每日進呈

親加改正彙緝成書總一百卷名爲律歷淵源凡爲三部區其編次一曰歷象考成其編有二上編曰揆天察紀論本體之象以明理也下編曰明時正度密致用之術列立成之表以著法也一曰律呂正義其編有三上編曰正律審音所以定尺考度



求律本也下編曰和聲定樂所以因律製器審八音也續編曰協均度曲所以窮五聲二變相和相應之源也一曰數理精蘊其編有二上編曰立綱明體所以解周髀探河洛闡幾何明比例下編曰分條致用以線面體括九章極於借衰割圓求體變化於比例規比例數借根方諸法益表數備矣洪惟我國家聲靈遠屆文軌大同自極西歐羅巴諸國專精世業各獻其技於閭闔之下典籍圖表燦然畢具我

皇考兼綜而裁定之故凡古法之歲久失傳擇焉而不

福建續志

卷首

典謨一

三

精與西洋之侏儻詰屈語焉而不詳者咸皆條理分明本末昭晰其精當詳悉雖專門名家莫能窺萬一所謂惟聖者能之豈不信歟夫理與數合符而不離得其數則理不外焉此圖書所以開易範之先也以線體例絲管之別以弧角求經緯之度若此類者皆數法之精而律歷之要斯在故三書相爲表裏齊七政正五音而必通乎九章之義所由試之而不忒用之而有效也書成纂修諸臣請序而傳之恭惟

聖學高深豈易鑽仰顧朕夙承



庭訓於此書之大旨微義

提命殷勤歲月斯久尊其所聞敬効一詞之贊蓋是書也豈惟

皇考手澤之存實稽古準今集其大成高出前代垂千萬世不易之法將欲協時正日同律度量衡求之是書則可以建天地而不悖俟聖人而不惑矣

宗憲皇帝御製論語論

朕惟孔子以天縱之至德集羣聖之大成堯舜禹湯文武相傳之道具於經籍者賴孔子纂述修明之而魯論一書尤切於人生日用之實使萬世之

福建續志

卷首

典謨一

四

倫紀以明萬世之名分以辨萬世之人心以正風俗以端若無孔子之教則人將忽於天秩天敘之經昧於民彝物則之理勢必以小加大以少陵長以賤妨貴尊卑倒置上下無等干名犯分越禮悖義所謂君不君臣不臣父不父子不子雖有粟吾得而食諸其爲世道人心之害可勝言哉惟有孔子之教而人道之大經彝倫之至理昭然如日月之麗天江河之行地歷世愈久其道彌彰統智愚賢不肖之儔無有能越其範圍者綱維旣立而人無踰閑蕩檢之事在君上尤受其益易曰君子以



辨上下定民志禮運曰禮達而分定使非孔子立教垂訓則上下何以辨禮制何以達此孔子所以治萬世之天下而爲生民以來所未有也使爲君者不知尊崇孔子亦何以建極於上而表正萬邦乎人第知孔子之教在明倫紀辨名分正人心端風俗亦知倫紀旣明名分旣辨人心旣正風俗旣端而受其益者之尤在君上也哉朕故表而出之以見孔子之道之大而孔子之功之隆也

論臺灣不必設城

雍正十二年

上諭從前鄂彌達條奏臺灣地方僻處海外向無城

福建續志

卷首

典謨一

五

池宜建築城垣砲臺以資保障大學士等議覆令福建督撫妥議具奏今據郝玉麟等奏稱臺灣建城工費浩繁臣等再四思維或可因地制宜先於見定城基之外買備刺竹栽植數層根深蟠結可資捍衛再於刺竹圍內建劄城垣工作亦易興舉等語朕覽郝玉麟所奏不過慮其地濱大海土疏沙淤工費浩繁城工非易故有刺竹藩籬之議殊不知城垣之設所以防外患如必當建城雖重費何惜而臺灣變亂率皆自內生非禦外寇比不但城可以不建而建城實有所不可也臺郡門戶自



鹿耳門與府治近號稱天險港容三舟旁皆巨石  
鋒稜如劍戟舟行失尺寸頃刻沉沒內設砲臺可  
恃以爲固其法最善從前平定鄭克塽未一貴皆  
乘風潮舟行入港水高港平衆艘奔赴無所阻礙  
大兵一入卽獲安平港之巨舟賊無去路而撫其  
府市人民南北路商賈一聞官軍至絡繹捆載而  
來相依以自保物力旣充軍氣自倍賊進不能勝  
退無可安各鳥獸散終無所逃遁故旬日可以坐  
定向使賊衆有城可據收府市人民財物以自固  
大兵雖入攻之不拔坐守安平曠日持久克敵不

易蓋重洋形勢與內地異此卽明效大驗固未可  
定議建制也若謂臺灣築城卽以禦臺灣外寇是  
又不然從前兩征臺灣皆先整兵泊舟於澎湖之  
南風澳以候風潮之便歲不過一時時不過數日  
若盜賊竊發或外番窺伺泊舟澎湖則夕至而朝  
捕之至南北二路可通之地雖多然如南路之蟻  
港北路之八掌溪海豐港鹿仔港大甲二林三林  
中港竹塹蓬山惟小舟可入其巨港大舟可入者  
不過南路之打鼓東港北路之上淡水其次則北  
路之笨港鹹水港去府治較遠縱有外寇亦不取



道於此設備砲臺派撥汛兵朝夕巡視自足以禦  
控資用今郝玉麟等請於見定城基之外栽種刺  
竹藉爲藩籬實因地制宜甚有裨益其淡水等處  
砲臺務須建造各屬並應增修不可惜費省工毋  
致潦草應如何舉行之處著郝玉麟趙國麟妥協  
定議具奏欽此

今上皇帝御製大學衍義補序

學貴於博乎堯舜心傳十六字有終身不能行其  
一語者焉學貴於約乎往聖先賢作述相接有言  
之而不厭其詳者焉大凡言理則欲其精簡明切

福建續志

卷首

典謨一

七

當而易守也言事則欲其詳條分縷析便於中材  
而易行也吾於邛瓊山大學衍義補蓋知其義云  
夫聖經二百有五言爲學之道備焉爲教之法具  
焉爲治之理盡焉所謂理極精而易守也至於後  
世道衰文敝賢者且不能窺聖經之闡奧又何怪  
於中材乎故西山先生作衍義之書至齊家而止  
而治國平天下之道備具不待瓊山之補然亦不  
可無瓊山之補所謂多條規軸而易行也聖人言  
理賢人言事先代言理後代言事亦學有所不齊  
世有所不同而所以啓迪當時爲教後世之心則



一也然於此亦可以見瓊山之有志於君民上下  
言事極其詳而言理亦極其精矣至其書之條目  
議例則詳於邱氏之序余因嘉其明於理而便於  
事故爲序如右

御製朱子資治通鑑綱目序

孔子作春秋而亂臣賊子懼夫春秋亦一編年之  
書而曰亂臣賊子懼者蓋謂彰善癉惡比事屬辭  
誅姦諛於已往杜僭亂於將來使亂臣賊子不畏  
王法者讀此書而知懼豈非有功於世道人心者  
哉三代而下孔子之道幾乎息矣故臣叛其君者

福建續志

卷首

典謨一

八

有之子背其父者有之而亂臣賊子無所忌憚子  
朱子生於周程之後修明絕學深痛而甚憫之祖  
夫子春秋之筆削因溫公通鑑之書更創義例爲  
書曰資治通鑑綱目其自序曰表歲以首年因年  
以著統大書以提要分注以備言洵哉善善惡惡  
是是非非具於一篇之中而無不備矣然後人知  
忠臣義士必獲天庥也雖不用於一時而後世莫  
不褒歎效法之恐後也亂臣賊子必撻天誅也雖  
幸免於當世而千載以下公議莫逃也彰善癉惡  
比事屬辭雖不足以盡春秋之義抑其大略則可



謂同揆矣夫三代以下傳世久遠者莫如漢唐當其盛時政教恩澤入民之深非不可稱然其易代之際死君事者可數焉自修綱目之後士知顧禮義廉耻以事二姓爲辱故南宋之末忠臣義士捐軀而徇王事不肯忍耻偷生以求苟活者屢見於史策之中且元代宋明代元無分析割據如前五代後五代之亂者亦因忠姦賢佞褒嘉貶斥凜若袞鉞人知有所懲勸懼見誅於後世也如是而謂之綱目修而亂臣賊子懼其誰曰不然御製送定邊大將軍平郡王西征序

福建續志

卷首

典謨

九

惟

上帝眷顧我國家

太祖

太宗肇基盛京旣創旣承順天休命以造萬世無疆之丕基惟時英藩良弼罔不一乃心力克宣克猷董疏附先後奔走禦侮之臣而甄其才以致其力用贊我王室式闢四方若川有舟實共濟之若木有本實枝幹之詩所謂維藩維垣維屏維翰偉哉隆古以來懿親之宣力未有若斯之盛也逮我

世祖章皇帝定鼎燕京奄有九有惟時平郡王之始祖



禮親王實統貔貅之旅以勤襄王事功績彪炳載  
在圖史王其七世孫也王幼而侍

聖祖仁皇帝宮中躬承恩眷我

皇父臨御凡事仰體

聖祖之心祇承勿替況在宗邦尤所惇敘以養以教罔  
不勤勗其身誘迪厥德而王以孫枝之近眷顧尤  
隆雍正六年

王父特命王同我兄弟讀書內廷以培其才又二年知  
王之可用也爰命管理旗務及爲宗正理益以明  
政益以練又二年知王之果可大用也遂有定邊

福建續志

卷首

典謨一

十

大將軍之命而統西征之師夫準噶爾自策妄阿  
喇布坦造孽據有波羅搭拉背我

聖祖皇帝曲賜矜全之恩及我

皇上赦過宥罪之德跳梁躑躅至於今十餘年今其醜  
子噶爾丹側楞襲其凶逆抗我顏行幸不可再禍  
不可踵此蓋天亡準噶爾之日而王建功立業之  
秋也王器量寬宏才德優長在書室中與之論文  
每每知大意而與言政事則若貫驪珠而析鴻毛  
也夫戰者孔子所慎王者不得已而用之所以止  
戈戡亂遏劉誅暴我



皇上克承

先志思維小醜累世負恩實天人所共憤王法所必誅而歷年以來董兵之臣率不能宣德威而奏膚功用是以西陲重任畀之於王必有以副

皇父簡用之恩佐國家赫聲濯靈之大業相事宜慎權變和輯我士卒淬厲我將校恩威並行信義昭著克殲逆愆永息邊氛皇哉堂哉莫與京矣王以八月三日之吉禡旗啓行余與王敬業樂羣者六年於茲今之往也其可以無贈然惟贈人以物不若以言之爲切也贈人以頌不若以箴之爲益也言

福建續志

卷首

典謨一

十一

而以箴宜贈王矣復念王日承

皇父聖謨凡軍機要務制敵御將之方籌餉治兵之略聞之熟而奉之謹以是始之以是成之總不出

聖天子定算之中而何俟余之以言贈哉故爲王敬述王祖父爲國宣力勲名赫奕之事於右及引書傳所言者欲王效法乃祖而以敬謹將事也王其勉之哉祇迓天之明命惟聿將其恪恭整我六師以伐不敬在此行乎在此行乎余自今數王至軍之日請勒爲飲至之歌以俟之

御製十臣贊



卓彼留侯家世相韓嬴歿韓宗心瘁力殫東得力  
士擊之博浪匿遊下邳受書圯上乃得其傳乃遇  
其主謂沛公英仁是殆天所與帷幄運籌千里決  
勝魚水之歡諫從言聽既遂其志亦遜而肥優游  
赤松烟水鴟夷盼彼渭濱同歸一轍渺矣風清洽  
乎冰潔右張子房  
南陽之藪有龍而蟠金玉其音碩人之寬昭烈下  
賢三顧彌虔風雲蒸變乃出其淵東聘吳都綸巾  
羽扇業業樓船煌煌火焰摧曹和孫克定益州乃  
集其勢乃成其謀白帝託孤實肩鉅任盡瘁鞠躬

福建續志

卷首

典謨一

十一

王臣之蓋七擒六出八陣千井集思廣益澹泊寧  
靜察變以明動物以誠奸回丕革官府肅清諸葛  
大名星輝雲爛惟公一身存亡繫漢右諸葛武侯

渤海之疆篤生偉人元氣所蒸厚德無垠元伯夙  
譽陽平早庸清平自守讞獄惟公乃抗雷霆乃蹈  
虎尾尤恐茲心負翟黑子忘身濟物卒感主明數  
千人命賴以全生才本於學知發於仁敦仁力學  
品乃大醇黃中內潤文明外照百齡純嘏六朝光

耀右高伯恭

隋失厥政豪傑並爭孰驅而除孰創以成有唐文



皇龍準日角杜斷房謀偉哉降嶽九有同軌仁義  
施治爰有鄭公鹽梅之器繩糾繆愆獻納忠讜安  
國利人浩然盛養屢陳直諫事君以誠十思十漸  
防患未萌維山巖巖維松植植猗歟鄭公古之遺

直

右魏  
鄭公

河之曲賊厲其屬矯矯汾陽疾奉其燾藁之城淪  
於思明皤皤汾陽偏師挫其萌乃塞乃挫祿山喪  
謀卒帥虎臣克復神州滅安殲史旋定河中吐蕃  
夜潰代宗復國繫惟公之功招之卽來麾之卽去  
往說葛羅仗此忠恕靈耀衛幣承嗣拜使朝恩歎

福建續志

卷首

典謨一

三

爲長者懷恩麾下亦愧從於不義惟誠感物惟明  
保身孰克當此惟公之云

右鄭  
汾陽

維山有玉惟璞藏之旣斷其璞不圭璋之維水有  
珠惟蚌孳之旣剖其蚌卒棄置之卓哉宣公明珠  
美玉施之不窮守之彌薦弱齡侍從歌詩宴遊興  
元戡難乃喪厥猷獻納論思興利除害舉直錯枉  
靖內安外曾史之行管樂之才經綸奏列不待安  
排事急則需事緩則舍德宗猜刻庸主以下君用  
則行君舍則藏宣公忠蓋邦家之光維公一言自  
知甚確不負天子不負所學

右陸  
宣公



奕奕相州維天之中孕祉毓靈間氣所鍾爰生魏  
公金堅玉潤相厥明時輔成景運弱冠登第聿見  
嘉祥雲輝日下五色呈光大材不器小用亦效西  
夏寒心兩宮諧孝齊范駕富宏展經綸臨事決疑  
正笏垂紳皎皎易汗嶢嶢易缺維公德量山崇海  
濶材旣軼世學亦通方光輝事業燦爛文章肫然  
而仁毅然而醇猗歟魏公古之名臣

右韓魏公

嶽嶽希文學修行淑本仁祖義正直明肅陶鑄人  
材心宏誨育成兩大儒橫渠明復公之心事天光  
日照諫垣氣凜西夏威耀進憂退憂江湖廊廟天

福建續志

卷首

典謨一

古

章論對十事聿陳長沙之策敬輿之文參政九月  
譖毀交聞志未大展千載經綸公有至性內行克  
敦周友恤族率祖率親義田之舉大惠宏仁有宋  
人物公尤彪炳維雲之卿維星之景

右范文正公

仁英繼統韓富當朝諧孝兩宮伊韓之勞爰有溫  
公維持左右直斥守忠議禮匡救熙寧元豐新法  
聿行維公上言辨之甚明宣仁臨朝自外召之爰  
立作相心乎好之維士與民萬口如一僉曰休哉  
相我君實旣遇其時亦伸其志有猷有爲補偏救  
弊惟公一生悉本於誠言可對人達於生平德化



遐宣膏澤普沐於何見之社祭尸祝右司馬温公

一代之興必有偉才元室肇造公實鹽梅幼齡質異長究儒宗律歷術數靡不精通誠以事君公以律已糾繆繩愆救惡將美育才舉士立法垂猷元政之成維公之謀均稅均科慎選守牧不去君旁國用充足懼法之涼錫民以福懇款陳忠為百姓哭有元諸臣公為賢相允如公言治天下匠右耶律文

公正

御製虛受箴

天地之心普物而發聖人之情順事而達其情其

福建續志

卷首

典謨一

五

心無彼無此厥故維何惟虛而已矧茲下學亟宜自勉胡不虛已以受萬善天賦以性我受此中五常百行善量無窮黽勉終身猶懼有闕矧其自足善心斯遏告我以過乃我之師訑訑聲色誰則我規捨已之非從人之見如園斯轉如影斯徙曷虛爾中曰克爾已爾不克已自滿則圯相彼溝澮雨集則潰過而不留其涸可待瞻彼渤海浩浩浮天厥惟不滿克納百川既虛而虛復實而實允為中孚豚魚皆吉

諭飭吏治 雍正十三年



上諭治天下之道貴得其中故寬則糾之以猛猛則濟之以寬而記稱一張一弛爲文武之道凡以求協乎中非可以矯枉過正也

皇祖仁皇帝深仁厚澤垂六十年休養生息民物恬熙循是以往恐有過寬之弊我

皇考紹承大統振動紀綱俾吏治澄清庶事釐正人知畏法遠罪不敢萌徼倖之心此

皇考之因時更化所以導之於至中而整肅官方無非惠愛斯民之至意也

皇考嘗以朕爲賦性寬緩屢教之朕仰承

福建續志

卷首

典謨一

去

聖訓深用警惕茲當御極之初時時以

皇考之心爲心卽以

皇考之政爲政惟思剛柔相濟不競不練以臻平康正直之治夫整飭之與嚴厲寬大之與廢弛相似而實不同朕之所謂寬者如兵丁之宜存恤百姓之宜惠保而非謂罪惡之可以悉赦刑罰之可以姑縱與庶政之可以怠荒而弗理也朕觀近日王大臣等所辦事務頗有遲延疎縱之處想以朕寬大居心諸臣辦理可以無事於整飭耶此則不諒朕心而與朕用寬之意相左矣夫經世理物貴乎君



臣惟日孜孜交勉不逮朕主於寬而諸王大臣嚴明振作以輔朕之寬夫然後政治和理俾朕可以常用其寬而收寬之效此則諸臣贊助之功也倘不能如是恐相習日久必至人心玩愒事務廢弛激朕有不得不嚴之勢此不惟臣工之不幸抑亦天下之不幸更卽朕之不幸矣朕與王大臣同辦國家政事實爲一體爰開誠布公將計慮所及特行曉諭期於共相勗勉以防將來之流弊欽此

諭吏治

雍正十三年

上諭朕閱督撫叅奏屬員及題請改教本章每有書

福建續志

卷首

典謨一

七

生不能勝任及書氣未除等語夫讀書所以致用凡修己治人之道事君居官之理備載於書故傳說之告其君曰學於古訓乃有獲又曰念終始典於學成王訓其臣曰學古入官議事以制政乃不迷又曰不學牆面蒞事惟煩人不知書則偏陂宅衷操切處事生心害政有不可救藥者若州縣官果足以當書生二字則以易直子諒之心寬和惠愛之政任一邑則一邑受其福蒞一郡則一郡蒙其休朕惟恐人不足當書生之稱而安得以書生相戒乎若以書生爲戒朕自幼讀書宮中講誦二



十年未嘗少輟實一書生也王大臣爲朕所倍賴朝夕左右者亦皆書生也若指屬員之迂謬疎庸者爲書生以相誦病則惟此正伊不知書所致而書豈任其咎哉至於書氣二字尤可寶貴果能讀書沉浸醞釀而有書氣更集義以充之便是浩然之氣人無書氣卽爲粗俗氣市井氣而不可列於士大夫之林矣是書氣正宜從容涵養以善培之安可勸之使除而反以未除者爲病乎且朕聞外間斥人之短每云伊欲做好人朱子云學者通病在思作貴人而不思作好人人果欲做好人行好

事則甚有益於民生有益於國事澤物無窮若以好人爲戒不幾相率而拂人之性乎凡此皆係識見粗鄙不知治體不明大義之言朕今姑發其蔽而教戒之當各翻然思悔特諭欽此

諭禁惡習

雍正十三年

上諭民間惡習無過於博戲有或陷溺於其中則子弟欺其父兄奴僕背其家主逃亡盜賊之源鮮不由此又有市井奸兇十五爲羣聚黨鬪狠爲患於鄉里或強爭市肆或凌挾富人朝羅官法夕復逞兇其惡不減於劫盜至於牛爲農事之本民賴以



生故惟

郊壇

宗廟

社稷

嶽瀆之重乃用太牢而愚民妄肆屠宰價賤於羊豕恃莫甚焉是以

皇考蒞政之初卽用爲大禁嚴飭百吏訪緝奸兇造賭具者有刑屠耕牛者有罰執法不移由是鬪狠鬪博之莠民屏息而不敢出內則五城衢巷市竊之賊日稀外則客旅恬安宵行夜宿少逢劫盜田疇

福建續志

卷首

典謨一

九

蓋治市井晏眠摩以歲月乃克致此朕承百度肅清之後故庶政皆從寬大欲中外吏治蒸然向化遷善遠罪而不自知然所宥者菁災所恤者善良非謂怙終而不悛者舉可縱釋也近聞奸民倡爲流言以惑衆志詭云步軍統領緝獲賭博已經奏聞朕置而不問又云屠牛之禁亦開昔周公立造言之刑重罷民之罰非此不足以定民志而成化道也勅下步軍統領暨五城御史密訪嚴緝造爲此言者以正典刑各直省州縣有不能治其境內爾犯此三禁者該督撫卽時叅究其或失察朕亦



不能爲大吏寬者

皇考多方鼓舞故告發賭博隸民加賞有司議敘而奉  
行失宜間有生事以自爲功者自今以往其各實  
心查禁若不能禁賭及造賭具者少以不職罪之  
打降及屠牛亦然惡萌復生將墮

皇考已成之治化朕滋懼焉爾諸臣其共凜之特諭欽

此

諭禁親喪嫁娶

雍正十三年

上諭朕聞吉凶異道不得相干故娶在三年之外而  
聘在三年之內者春秋猶以爲非禮記稱大功之

福建續志

卷首

典謨一

三

末可以冠子可以嫁子父小功之末可以娶婦已  
雖小功旣卒哭可以冠妻三年之喪創深痛鉅苟  
有人心者必宜於此焉變矣乃愚民不知禮教起  
於皂隸編氓之家有慮服喪之後不得嫁娶乘父  
母疾篤及殯殮未終而成婚者其後商賈中家多  
有之士大夫亦間爲之而八旗效之朕實憫焉自  
今伊始自齒朝之士下逮門內有生監者三年之  
喪終喪不得嫁娶違者奪爵褫服其極貧皂隸編  
氓父母臥疾呻吟牀褥必賴子婦以供薪水治饗  
殮者聽其迎娶盥饋俟疾愈喪畢而後成婚古者



禮不下庶人其斯之類歟曾子問親迎女在途而壻之父母死女改服布深衣縞總以趨喪亦此義也其商賈中家不必以士大夫之禮繩之然人性皆善朕知其必有觀感興起而不忍自同於氓隸者矣特諭欽此

諭禁喪葬虛靡

雍正十三年

上諭朕聞外省百姓有生計稍裕之家每遇喪葬之事多務虛文侈靡過費其甚者至於招集親朋隣族開筵劇飲謂之鬧喪且有於停喪處所連日演戲而舉殯之時又復在途扮演雜劇戲具者從來

福建續志

卷首

典謨一

三

事親之道生事死祭皆必以禮得爲而不爲與不得爲而爲之者均爲非孝是知各循其分乃能各盡其孝而初不在以奢靡相尚也况當哀痛迫切之時而顧聚集親朋飲酒演劇相習成風恬不知怪非惟於禮不合抑亦於情何忍此甚有關於風俗人心不可不嚴行禁止着各省督撫等通行明切曉諭嗣後民間遇有喪葬之事不許仍習陋風聚飲演戲以及扮演雜劇等類違者按律究處務在實力奉行毋得姑爲寬縱特諭欽此

諭愛民

雍正十三年



上諭朕聞之元后以民父母朕實代

天以子民督撫大吏又代朕以子民均有父母斯民之任者也爲治之道莫切於愛民其餘一切察吏理財明刑禁暴特教養中之餘事其本總歸於愛民而已天以愛民之職畀朕天下之民皆以朕爲必能愛民而民或失所民其何望朕以愛民之事分寄督撫大臣亦以督撫大臣爲必能愛民而民或失所朕更何望督撫大臣之不能體朕心以宣德意卽朕之不能答

天心以恤民依也爾督撫能知愛民之爲稱職始不負

福建續志

卷首

典謨一

三

朕委任之心他若錢糧不敢侵欺請托不敢假借弊竇不容毫髮差以餘不忍分釐此不過一端一事之才能以矯飾其外貌又安足以副封疆重寄哉夫朕一人之心思不能周知天下之利弊故有賴於督撫督撫一人之耳目不能遍悉地方之情形故有資於良有一司是又在有司之各愛其民而仍藉督撫之率倡鼓勵之耳設督撫之於有司舉劾不當棄取失宜其害不在於有司仍在於百姓彼有司中之實心惠民不規小效所謂安靜之吏惘惘無華日計不足月計有餘者督撫將毋以爲迂



拙而罷之至於以苛爲察以刻爲明以輕爲德以重爲威此則拂人性逆人情者督撫將毋以爲幹濟而舉之如此則吾民失其所依怙朕何賴焉蓋治天下者在於治天下之人心必使民氣和暢民情豫順快然知有井里之可安恬然知有室家之可樂斯爲無象之太平閭閻實被其澤此爲直省中息事寧人安全休養道在乎優游馴致而非可取必於旦夕間也朕每於諸王大臣及督撫大吏經理庶績必寬之歲時無事乎督責之嚴程期之迫誠以欲速則不達久道乃化成也况郡縣長吏

其才力遠不逮於諸大吏欲以責效數月期年間此中萬無速化之理亦惟有迎合意旨塗飾觀聽冀以博才能之名登報最之牘而民不堪命矣夫移風易俗者邗隆之上理也然必漸民以仁摩民以義使民日遷善而不自知倘爲督撫者一有移風易俗之見存之於心宣之於口朕知其不但不能移易乎風俗而風俗且受其敝何者彼不知因民之道而日事驅民之術勢必更張成法煩擾地方爲吾民之苦他如獻祥瑞報羨餘匿水旱奏開墾改土歸流更隸州縣所云揆之人事則悅耳論



之陰陽則傷化其不以此也歟卽此據河南一省  
論之田文鏡匪報災荒於前王士俊浮報墾田於  
後小民其何以堪各省督撫大吏其尚自省其有  
不務實心實政而邀近功小利者必滌慮洗心董  
率屬僚興其天良以爲民勸務底惇大成裕之治  
特諭欽此

福建續志

卷首

典謨一

三



福建續志卷首

典謨

諭去擾累

乾隆元年

上諭爲治之道在於休養生民而民之所以休養在去其累民者朕思

皇考世宗憲皇帝勤求保赤有孚惠心蠲免額徵寬減浮糧偶有水旱災祲卽行賑恤如救焚拯溺仁心仁政千載莫並而民生猶不得寬裕者大率由督撫大臣不能承宣德意而有司中刻覈昏庸或以苛察爲才能或受朦蔽而不覺以致累民之事往往而有也卽如催徵錢糧而差票之累數倍於正額拘訊獄訟而株連之累數倍於本犯抽分關稅而落地守口給照票貧民之受累數倍於富商巨賈查拏賭博黃銅私宰私鹽之類胥吏營兵因緣爲奸佐貳雜職橫肆貪酷一案而化爲數案一人而波及數人以此擾累吾民無怪乎民多不得自安其生業而朝廷德施終不能盡致閭閻於康阜也嗣後直省督撫董率屬員務須休養吾民爲本一切擾累之事速宜屏除庶民生可遂而民氣以舒然督撫中不善會朕旨因此而謂諸事可以不

福建續志

卷首

典謨二

一



辦轉成廢弛之習不知不顧民生專務紛更以矜  
幹濟似振作而實廢弛勤恤民隱安靜惻愍以培  
元氣非廢弛而真能振作其尚各體朕意欽此

諭務本節用

乾隆元年

上諭厚生之道在於務本而節用節用之道在於崇  
實而去華朕聞晉豫民俗多從儉樸而戶有蓋藏  
惟江蘇兩浙之地俗尚侈靡家無斗儲而被服必  
期華鮮飲食靡甘澹泊兼之井里之間茶坊酒肆  
星列碁置少年無知遊蕩失業彼處地狹民稠方  
以衣食難充爲慮何堪習俗如此民生安得不愈

福建續志

卷首

典謨二

二

艱難朕軫念黎元期其富庶已將歷年各項積欠  
盡數蠲除小民乘此手足寬然之時正當各勤職  
業尚樸去奢以防匱乏豈可習於侈靡轉相倣效  
日甚一日積爲風俗之憂也地方大吏及守令有  
臨民之責者皆當通行化導宣朕德音縉紳之家  
宜躬行節儉以率先之布帛可安不必文綺也粗  
糲可食不必珍羞也物力可惜毋滋浪費終身宜  
計毋快目前以儉素相先以樽節相尚必能漸返  
淳樸改去積習庶幾唐魏之風焉又聞吳下風俗  
篤信師巫病不求醫惟勤禱賽中產以下每致破



家病者未必獲痊生者已至坐困愚民習而不悔  
尤屬可憫地方官亦當曲加訓誨教以淫祀無福  
嚴禁師巫勿令蠱惑亦保民之一端也凡此皆不  
用巖峻迫切立法繁苛反致擾民惟誠心訓諭漸  
以歲月自遷善而不自知朕保民念切不憚諄切  
言之官吏士民其皆敬聽之毋忽特諭欽此

諭廣造就

乾隆元年

上諭書院之制所以導進人材廣學校所不及我

世宗憲皇帝命設之省會發帑金以資膏火恩意至渥  
也古者鄉學之秀始升於國然其時諸侯之國皆

福建續志

卷首

典謨二

三

有學今府州縣學並建而無遞升之法國子監雖  
設於京師而道里遼遠四方之士不能胥會則書  
院卽古侯國之學也居講席者固宜老成夙望而  
從游之士亦必立品勤學爭自濯磨俾相觀而善  
庶人材成就足備朝廷任使不負教育之意若僅  
攻舉業已爲儒者末務况藉爲聲氣之資游揚之  
具內無益於身心外無補於民物卽降而求文章  
成名之士足希古之立言者亦不多得寧養士之  
初指耶該部卽行文各省各撫學政凡書院之長  
必選經明行修足爲多士楷範者以禮聘請負笈



生徒必擇鄉里秀異沉潛學問者肄業其中其恃才放誕佻達不羈之士不得濫入書院中酌倣朱子白鹿洞規條立之儀節以檢束其身心倣分年讀書法予之課程使貫通乎經史有不率教者則擯斥勿留學臣三年任滿咨訪考核如果教術可觀人材興起各加獎勵六年之後著有成效奏請酌量議敘諸生中材器尤異者准令薦舉一二以示鼓舞欽此

諭約束吏役 乾隆元年

上諭朕惟州縣爲親民之吏自宜廉平不擾懋著循

福建續志

卷首

典謨二

四

聲乃獄訟催科之際官民情意易致睽隔百姓漸受苦累而無由自訴者則以書役之爲害甚劇州縣官不知所以振刷而剔除之也朕訪聞州縣衙門經承之外必有貼寫正役之外每多白役聚此數十輩無賴之徒假托公務橫肆貪饕其爲小民擾累何可勝言故有獄訟尚未審結而耗財於若輩之手兩造已經遭困者矣額糧尚未收納而浮費於催徵中飽於蠹胥已什去二三矣其餘勾緝命盜因緣舞弊遇事生風株連無辜賄縱要犯大率貼寫白役之爲害居多各直省督撫務宜嚴飭



各該州縣將所有吏役按籍勾考其有私行冒充者悉行裁革設正額書役實不敷用不時於貼寫帮役中擇其淳謹者酌量存留亦必嚴加約束毋得非時差擾至於經承正役務須時刻稽查倘有壞法擾民之事立即按律重懲庶使若輩知所顧忌不得肆其伎倆倘或明知故縱姑息養奸又或喜其巧於趨承受其朦蔽此則不愛百姓而愛吏役卽屬戕害吾民之甚者也爲民父母其忍出此乎且胥吏之爲害不止州縣衙門已也凡徵解錢糧上司書吏輒向州縣書吏索取費用因而縣吏

假借司費紙張名色派索花戶又如徵解漕糧時糧道衙門書吏需索縣吏規禮因而縣吏遂勾通本縣家人盤踞倉廩於正額外多收耗米稍不遂意百般留難遠鄉小民以得收爲幸守候爲難不得飽其貪壑又聞司院衙門凡州縣申詳事件每先發各房書吏擬批送簽書吏從此作奸射利遲速行駁之間得以上下其手蓋衙蠹之爲擾自上及下正不自州縣始也是在爲督撫者整飭紀綱立台省之表率而監司守令各奉厥職互相糾正則弊絕風清民安衽席朕惠養元元之恩得以



周浹閭閻矣特諭欽此

諭正文體

乾隆元年

上諭國家以經義取士將使士子沉潛於四子五經之書含英咀華發摠文采因以覘學力之淺深與器識之醇薄而風會所趨卽有關於氣運誠以人心士習之端倪呈露者甚微而徵應者甚鉅也顧時文之風尚屢變不一苟非明示以準的使海內士子於從違去取之介曉然知所別擇專意揣摩則大比之期主司何以操繩尺以度羣才士子豈能合矩矱以應搜羅乎有明制舉之業體備各種

福建續志

卷首

典謨二

六

如王唐歸胡金陳章黃諸大家卓然可傳本朝文運昌期英才輩出劉子壯熊伯龍以後作者接踵莫不根柢經史各抒杼軸此皆足爲後學之津梁制藝之科律者自坊選之禁垂諸功令而大家名作不得通行士子無由睹斯文之炳蔚率多因陋就簡剽竊陳言襲取腐語間或以此倖獲科名又展轉流布私相倣效馴至先正名家之風味邈乎難尋所係非淺鮮也今朕欲哀集有明及本朝諸大家時藝精選數百篇彙爲一集頒布天下以爲舉業指南學士方苞工於時文著司選文之事務



將入選文逐一批抉其精微奧窔之處俾學者了然心目間用以拳服摩擬再會試鄉試墨卷若必俟禮部刊發勢必曠日持久士子一時不得觀覽嗣後應弛坊間刻文之禁倘果有學問淹博手眼明快者不拘鄉會墨卷房行試牘准其照前選刻但不得徇情濫薦及狂言橫議致釀惡俗朕實嘉惠士子望各精勤厥業以庶大成尚悉敬體朕意共相黽勉欽此

諭崇經學

乾隆元年

上諭從來經學盛則人才多人才多則俗化茂稽諸福建續志

卷首

典謨二

七

史冊成效昭然我

皇祖聖祖仁皇帝道隆義頊學貫天人凡藝圖書倉廩不博覽而尤以經學爲首重

御纂周易折中尚書彙纂詩經彙纂春秋彙纂等編又有朱子全書性理精義正學昌明著作大備我

皇考世宗憲皇帝至德同符孝思不匱

特勅直省布政使將諸書敬謹刊刻准士子赴司呈請刷印蓋欲以廣

聖教振儒風甚盛典也乃聞各省雖有刊板而士子刷印寥寥蓋由赴司遞呈以俟批發旣多守候之勞



且一生所請不過一部斷不能因一部書而特爲發板開刷士子所以欲多得書而其勢不能也朕思諸書實

皇祖惠教萬世

皇考頒行天下之典籍安可不廣爲敷布著直省撫藩諸臣加意招募坊賈人等聽其刷印通行鬻賣嚴禁胥吏阻撓需索之弊但使坊賈皆樂於刷印斯士子皆易於購買庶幾家傳戶頌足以大廣厥傳朕又思

聖祖仁皇帝四經之纂實綜自漢迄明二千餘年羣儒

福建續志

卷首

典謨二

八

之說而折其中視前明大全之篇僅緝宋元講解未免膚雜者相去懸殊各省學臣職在勸課實學則莫要於宣揚

聖教以立士子之根柢每科歲按臨時預飭各該學確訪生童有誦讀

御纂諸經者或專一經或兼他經著開明冊報俟考試文藝之後該學政就四經中斟酌舊說有所別異處摘取數條另期發問只令依義條答不必責以文采有能答不失指者所試文稍平順童生卽予入泮生員卽與補廩以示鼓勵務宜實力奉行以



副朕尊經育才之意特諭欽此

御製日講春秋解義序

乾隆二年

朕惟嘗考春秋經文不過萬有六千三百餘言自  
三傳以後羣儒義疏累數千萬言而微詞隱義之  
難明者猶十有六七蓋是經乃孔子所手定也辭  
約而義深聖心之所運用每舉一事其義必貫於  
全經非若他經一章一節各指一事雖有不通而  
不害其可通者故程朱二子深探力索久之皆見  
爲難明而止至明初胡氏安國之說遂獨列於學  
宮以朱子深病是經之難通而教門人始從胡氏  
福建續志 卷首 典義二 九  
之說也然謂其以義理穿鑿則非義之真而於聖  
人筆削之旨未能脗合明矣故自明以來雖著功  
令科舉之士稟爲程式而終不足以服學者之心  
我

聖祖仁皇帝聰明天資自少時卽篤好經書及

躬攬大政辨色出視朝裁決萬幾甫畢卽

召儒臣講論經義務抉其根源參伍羣言以求至當經  
筵所進日講四書及尚書周易解義皆裁自

聖心以爲無憾者故卽時刊布及晚年以明初五經大  
全收採討論尚未精詳口授指畫成周易折衷一



書詩書春秋則

命重臣開館編次而

親釐定之惟三禮體大未議纂修蓋有待也周易折衷成於康熙五十四年春秋傳說彙纂成於六十年已經頒布餘二經則至我

皇考繼序之後始次第告成

皇考大孝尊親凡

皇祖一言一動莫不敬述以昭示來茲念

欽定春秋於胡氏之說既多駁正則廷臣當日所進講義一遵胡氏之舊者於

福建續志

卷首

典謨二

十

聖心自多未洽是以遲之又久未嘗宣布必將俟諸經備成而後重加討論也故再降

諭旨命果親王允禮大學士張廷玉內閣學士方苞詳細校訂始事於雍正七年恭呈

御覽者再而後告成凡六十四卷乾隆二年鋟版既訖諸臣請製序文頒示海內朕反覆循覽於胡氏穿鑿之說曠若發蒙筆削之旨闡明者亦過半焉夫解義之成蓋數十年於茲矣觀

皇祖之久不宣布可以徵望道未見之心觀

皇考之再三考訂而後命刊可以謂善繼善述之義豈



惟是經之窅窅將由是以開通哉卽

兩朝聖人之心法治法亦於斯可睹矣

御製大學士朱軾周易傳義合訂序

乾隆二年

易之爲書以竒偶明陰陽之象以陰陽闡健順之德以卦爻該事物之變以易簡盡天下之理潔淨精微而廣大悉備天德王道一以貫之故曰易者五經之源也顧自漢魏以來考象變者泥於術數而不足以通幽明之故談義理者淪於空寂而不足以研倫物之幾至程子易傳朱子本義出而義理象數始歸於一是四聖人作易垂教之旨煥然

福建續志

卷首

典謨二

十一

復明於萬世我

皇祖聖祖仁皇帝御纂周易折中探源河洛直接心傳而綜括儒先首列程朱傳義誠以傳義者義經之樞鑰而易道之通津也故大學士高安朱文端清修正學品重當代曩在講席啓沃良多平生所學專於儀禮小戴記而易春秋周官亦旁及焉所著傳義合訂一編探二子所以云之意發揮而引伸之簡而當博而不彘鈞深探蹟而不鑿蓋玩之熟故擇言也精體之深故析理也密可謂善言易矣文端以兩粵督臣鄂彌達舊爲曹屬手授是書鄂



彌達梓而傳之刻成進覽披閱之下當日勤勤懇懇嘉惠來學之苦心恍乎若接不禁愴然援筆而爲之序

諭免常平加息

乾隆三年

上諭乾隆元年六月朕曾降旨各省出借倉穀與民者舊有加息還倉之例在此春月青黃不接之時民間循例借領則應如是辦理若值歉收之年豈平時貸穀可比至秋收後祇應照數還倉不應令其加息此乃兼常平社倉而言也今聞外省奉行不一凡借社倉穀石者照例辦理而借常平倉穀

福建續志

卷首

典謨二

十三

者遇歉收之年仍循加息之成例似此則非朕降旨之本意嗣後無論常平社倉穀石若值歉收之歲貧者借領者秋後還倉一概免其加息俾蔀屋均沾恩澤將此永著爲例欽此

諭及時賑濟

乾隆三年

上諭各省督撫身任地方皆有父母斯民之責於所屬州縣水旱災傷自應速爲訪察加意撫綏朕前屢經降旨訓示諒督撫等自能仰體朕心不致玩視民瘼稽延時日朕念水旱之災同宜賑救而水爲尤甚旱災之成以漸猶可先事預籌水則有驟



至陡發之時田禾浸沒廬舍漂流小民聚生之策  
蕩然遽盡待命旦夕尤當速爲賑救庶克安全不  
致流移失所現在成例分別極貧尤貧其應卽行  
辦賑者原係不待部覆但恐各省辦理不一或仍  
有拘泥遷延致災民不能及時沾惠者用是再降  
諭旨嗣後各該督撫可嚴飭地方官凡遇猝被之  
水災迅文申報該督撫卽刻委員踏勘設法賑濟  
安置一面辦理一面奏聞務使早沾實惠俾各寧  
居以副朕憫念災黎之至意倘或怠玩濡遲致傷  
民命或有司奉行不力胥役侵蝕中飽以及借名

捏飾浮冒開銷等弊該督撫照例嚴叅倘辦理未  
協積弊未除朕惟於該督撫是問將此永著爲例  
欽此

御選唐宋文醇序

乾隆三年

不朽有三立言其一言之無文行而不遠若是乎  
言之文者乃能立於後世也文之體不一矣語文  
者說亦多矣羣言淆亂衷諸聖當必以周孔之語  
爲歸周公曰言有序孔子曰辭達而已矣無序固  
不可以達欲達其辭而失其序則其爲言奚能雲  
翻波折而與天地之文相似也然使義則萋萋而



言有枝葉妃青媿白雕琢曼辭則所謂八代之衰已其咎同歸於無序而不達抑又有進焉文所以足言而言固以足志其志已荒文將奚附是以孔子又曰言有物夫序而達達而有物斯固天下之至文也已昌黎韓愈生周漢之後幾五百年遠紹古人立言之軌則其文可謂有序而能達者然必其言之又能有物如布帛之可以暖人菽粟之可以飽人則李漢所編七百篇中猶且十未三四况於黎而下乎甚矣文之至者不易得也明茅坤舉唐宋兩朝中昌黎柳州廬陵三蘇曾王八大家蒼

萃其文各若干首行世迄今操觚者膾炙之本朝儲欣謂茅坤之選便於舉業而弊即在是乃復增損之附以李習之孫可之爲十大家欲俾讀者興起於古毋祇爲發策決科之用意良美已顧其識之未衷而見之未當則所去取與茅坤亦未始逕庭朕讀其書嘉其意而亦未嘗之懲其失也夫十家者謂其非八代駢體云爾駢句固屬文體之病然若唐之魏鄭公陸宣公其文亦多駢句而辭達理諳足爲世用則駢又奚病日月麗乎天天之文也百穀草木麗乎土地之文也化工之所爲有定



形乎哉化工形形而不形於形而謂文可有定形乎哉顧其言之所立者何如耳勅幾之暇偶取儲欣所選十家之文錄其言之尤雅者若干首合而編之以便觀覽夫唐宋以來名儒碩士有序有物之嘉言固不第十人已也雖然嘗鼎一臠亦足以知道腴之可味况已斟其雉膏哉

諭頒經書

乾隆三年

上諭士人以品行爲先學問以經義爲重故士之自立也先道德而後文章國家之取士也黜浮華而崇實學我朝養士已將百年漸摩化導培護甄陶

福建續志

卷首

典謨二

五

所以期望而優異之者無所不至爲士者當思國家待士之重務爲端人正士以樹齊民之坊表至於學問必有根柢方爲實學治一經必深通一經之蘊以此發爲文辭自然醇正典雅若因陋就簡祇記誦陳腐時文百餘篇以爲弋取科名之具則士之學已荒而士之品已卑矣是在各省學臣諄切提撕往復訓勉其有不率教者卽嚴加懲戒不少寬貸至於書藝之外當令究心經學以爲明道經世之本其如何因地制宜試以經義俾士子不徒視爲具文者在學政酌量行知務期有益於膠



庠各省亦不必一轍我

皇祖御纂經書多種紹前聖之心法集先儒之大成已命各省布政司敬謹刊刻聽人印刷並准坊間翻刻廣行恐地方大吏不能盡心經理則士子購覓仍屬艱難不獲誦讀著督撫藩司等善爲籌畫將士子應讀之書多爲印發以爲國家造士育材之助欽此

諭勤生業

乾隆五年

上諭朕惟民生在勤勤則不匱農工商賈各有恒業以贍其生失業則俯仰無資勤力則衣食自裕誠

福建續志

卷首

典謨二

六

使國無遊民人無遺力則治生之道旣廣養生之源日開雖有水旱偏災必不致流移轉徙周禮大司徒頒職事十有二以登萬民而不任職業者有罰正所以使民各知勤勉而游惰是儆也朕念切民依情殷求瘼農桑衣食之本計所以爲萬方赤子經度咨詢者至詳且悉矣惟念遊惰之輩罔知生理不農不工不商不賈遊手坐食動自諉曰耕則無田工則無師商賈則無資本不知七尺之軀果能服勤務實卽傭力亦可資生農工商賈皆樂收以爲助不能勤力則雖生長富家承受世業而



浮蕩不檢怠情自安本業日荒饑寒立至生理既  
窘必且無所不爲此等之人在一家則爲一家之  
敗類在一邑則爲一邑之蠹民一遇偏災輒輕去  
其鄉轉徙流散國家以愛養爲心撫綏爲政一切  
資送安插不加區別是以農民之復業固樂遂其  
生而游惰之資遣者轉爲得計夫至轉於溝壑坐  
視不救固有所不忍而平日之教導約束何可不  
亟爲籌畫膺民牧之任者又何可因循姑息一聽  
其自爲而不加察乎嗣後各省督撫須董率地方  
官實力稽查凡有此等無所事事不守本業之人

其有父兄族黨者令父兄族黨加管束單丁獨戶  
令鄉保多方化導使其各尋生理能耕稼者服田  
畝能手藝者習工作知貿遷者從商賈勝負担者  
傭工度日不遵約束者量行懲治務使人人自食  
其力各謀其生則生計益覺寬舒風俗自歸淳厚  
豐年旣多善類歉歲亦少流民矣地方有司務實  
力奉行令僻壤窮鄉咸知朕意欽此

上諭從來爲治之道不外教養兩端然必衣食足而  
後禮義充故論治者往往先養後教朕御極以來



日爲斯民籌衣食之源水旱之備所期薄海蒸黎  
蓋藏充裕俯仰有資以爲施教之地而解慍阜財  
之效尚未克副朕懷第思維皇降衷有物有則衣  
食以養其形教化以復其性二者相成而不相妨  
不容偏廢正如爲學之道知先行後然知行並進  
非劃然兩時判然兩事又安得謂養之之道未裕  
遂可置教化爲緩圖也今學校徧天下山陬海澨  
之人無不挾詩書而遊庠序顧學徒以文藝弋科  
名官司以課試爲職業於學問根本切實用功所  
在概未暇及司牧者盡心於簿書筐篋或進諸生

而談舉藝則以爲作養人材振興文教其於閭閻  
小民則謂是蚩蚩者不足以興教化平時不加訓  
迪及陷於罪則執法以繩之無怪乎習俗之不淳  
而詭譎囂凌之不能禁止也朱子云聖人教人大  
概只是說孝弟忠信日用常行的話人能就上面  
做將去則心之放者自收性之昏者自著此言探  
立教本原至爲切實蓋心性雖民之秉彝而心爲  
物誘則放性爲欲累則昏存心養性非知道者不  
足幾若夫事親從兄則家庭日用人人共由孩提  
知愛少長知敬又人人同具不待勉強要之堯舜



之道不外乎是卽如得一食必先以食父母得一衣必先以衣父母此卽是孝能推是心而凡所以順其親者無不至則爲孝子父之齒隨行兄之齒鴈行此卽是悌能推是心則凡所以敬其長者無不至則爲悌弟一人如此人人從而效焉一家如此一鄉從而效焉則爲善俗孟子曰人倫明於上小民親於下又曰人人親其親長其長而天下平是道也惟在上者不爲之提撕警覺則習而不察而一時之明不勝夫積習之漸染重昏錮蔽日入於禽獸而不自知任君師之責者奚忍不急爲之申重而切諭之也我

福建續志

卷首

典謨二

九

聖祖仁皇帝頒

聖諭以教士民首崇孝弟

皇考世宗憲皇帝衍爲廣訓往復周詳已無遺蘊但朔望宣講祇屬具文口耳傳述未能領會不知國家教人事事要人躬行實踐樸實做去人倫口用正是聖賢學問至切要處堯舜之世比戶可封只道能盡孝弟放僻邪侈觸蹈法網只爲不知孝弟記曰將爲善思貽父母令名必果將爲不善思貽父母惡名必不果誠能如此存心豈復有縱欲妄行



之事苟不從此處切實做起雖誦讀詩書高談性命直謂之不學可耳凡有牧民課士之責者隨時隨事切實訓誨有一事之近於孝弟則從而獎勸之一事之近於不孝不弟則從而懲戒之平時則爲之開導遇事則爲之剖晰如此則親切而易入將見父詔兄勉日積月累天良勃發率其良知良能以充孝弟之實藹然有恩秩然有義豫順積於家庭太和翔於宇宙親遜成風必從此始凡吾赤子其敬聽諸凡厥司牧其敬奉諸欽此

論正士習

乾隆五年

福建續志

卷首

典謨二

三

上論士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣儒學記云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可



以得志於科舉斯已爾所以孜孜焉愛日不倦以  
至乎死而後已者果何爲而然哉今之士唯不知  
此以爲苟足以應有司之求矣則無事乎汲汲爲  
也是以至於惰遊而不知返終身不能有志於學  
而君子以爲非士之罪也使教素明於上而學素  
講於下則士者固將有以用其力而豈有不勉之  
患哉諸君苟能致思於科舉之外而知古人之所  
以爲學則將有欲罷不能者矣觀朱子此言洵古  
今通患夫爲己二字乃入聖之門知爲己則所讀  
之書一一有益於身心而日用事物之間存養省

察闇然自修世俗之紛華靡麗無足動念何患詞  
章聲譽之能奪志哉况卽爲科舉亦無礙於聖賢  
之學朱子云非是科舉累人人累科舉若高見遠  
識之士讀聖賢之書據吾所見爲文以應之得失  
置之度外雖日日應舉亦不累也居今之世雖孔  
子復生也不免應舉然豈能累孔子耶朱子此言  
卽是科舉中爲己之學誠能爲己則四書五經皆  
聖賢之精蘊體而行之爲聖賢而有餘不能爲己  
則雖舉經義治事而督課之亦糟粕陳言無裨實  
用浮僞與時文等耳故學者莫先於辨志志於爲



已者聖賢之徒也志於科名者世俗之陋也國家  
養育人材將用以致君澤民治國平天下而囿於  
積習不能奮然求至於聖賢豈不謬哉朕膺君師  
之任有厚望於諸生適讀朱子書見其言切中士  
習流弊故親切爲諸生言之俾司教者知所以教  
而爲學者知所以學欽此

福建續志卷首終

福建續志

卷首

典謨二

三



福建續志卷首

典謨

諭整飭封疆

乾隆六年

上諭今之督撫卽古之岳牧宣化承流爲百僚之表率必須誠實無僞中正無偏方可以整飭官方澄清吏治收封疆得人之效方今督撫皆朕慎重簡用其間實心供職不愧任使者固不乏人然嘗留心體察向來有積習數端一時未必人人盡能悛改如督撫共事一省每以意見不同參商偏執甚至各立門戶引用私人暗挾猜嫌互相疑忌此所

福建續志

卷首

典謨三

一

獎而彼惡之彼所嘉而此疾之其於地方公事則又彼此推諉以致屬員無所適從政令每多耽悞此督撫不和之弊也若其朋比爲奸則又外托和衷之名各自營私彼此瞻徇回護致使不職屬員皆得姑容在任以貽地方之害此又和合之不以正者又如新用督撫每一到任必極言前任之廢弛地方之凋敝以爲日後卸過之地以見已身振作之功而究竟實在情形不至於是或前任陞遷則爲之彌縫其缺若處分解退則極力吹索其疵此皆私意不除而有妨於公事者又如叅劾屬員



督叅撫審撫叅督審原屬持平恤獄之意而承審各員不論案情之是非止論督撫之聲勢如原叅之督撫已經離任或遭放廢則承審者即可避重就輕乃爲開脫而督撫審題亦遂漫不經心容易結案如原叅之督撫尚係現任或居要津則附會原題刻意鍛鍊而督撫亦不復詰問使讞獄不得其平者往往有之又如一省之中屬吏繁多而巧詐者不少督撫意指一爲所窺則百計逢迎以取權悅偶發一言偶行一事必趨踰竭蹶惟恐後時如昔年河南之墾荒陝西之開井祇以有司迎合

上司奉行不善遂大爲閭閻之擾此亦積習之所當省察者也以上數事乃朕平時體察所及是以降旨明白宣示各省督撫多人居心行事亦不一轍有則改之無則加勉體大公至正之心共成無黨無偏之治朕實有厚望焉欽此

諭報災必實

乾隆六年

上諭德惟善政政在養民以天下之大天時固有不齊地形又復不一雨澤稍愆愆則高阜之地防旱雨水旣足則低窪之地慮淹總期先事預籌始可有備無患言念及此雖當豐稔之年而朕宵旰憂



勤實不敢稍釋於懷第向來各省報災原有定期若先期題報便不合例朕思按期題報者乃指具本而言至於水旱情形爲督撫者察其端倪早爲區畫隨時密奏則朕可倍加修省而人事亦得以有備若過拘成例則未免後時矣至於督撫之報災有故爲掩飾不肯奏出實情者亦有奸行其德希冀取悅於地方者惟公正之大臣旣不肯匿災以病民亦不肯違道以干譽外此則不能無過不及之失朕痾瘵在抱再四思維匿災者使百姓受流離之苦其害甚大違道干譽雖非正理以二者

較之究竟此善於彼寧國家多費帑金斷不可令閭閻一夫失所此朕之本念也各省督撫俱當飾體隨時留心以副朕惠鮮懷保之意欽此

諭徹遊惰

乾隆六年

上諭朕惟士農工商各有恒業衣食由此而裕教化由此而行惟遊惰之民實爲閭里之蠹我國家昇平休養生齒滋繁而游惰亦以日衆此等之人性好佚遊習成驕恣不畏刑憲罔恤鄉評酒食流連拳勇是尚黠桀者爲豪爲俠柔狡者爲詐爲奸大凡鄉曲之中其誘民以奢靡沉湎者遊惰也誘民



以博奕鬪訟者遊惰也誘民以作奸犯科者遊惰也愚懦無知轉相慕效往往棄本業而從之戕生敗家比比而是甚至如近年逆苗蠢動皆由內地遊手奸徒幸災樂禍或陷以財帛或誣以鬼神煽惑愚頑遠近要結蜂屯蟻聚致生事端遂不得不用兵勦捕正孟子所謂無恒產而無恒心放僻邪侈無所不爲者朕撫育羣黎深念正德厚生之要勸農敦本訓飭不啻再三上年因遊惰之民不務生計會特頒諭旨令各督撫董率該地方官實力稽查多方化導責令父兄族黨嚴加管束不遵訓

約者加以懲治邇來留心體訪有司並未實力奉行夫養稂莠者傷禾稼惠奸宄者賊善良遊惰者奸宄之原也當其遊惰而董教之懲戒之使悟而知返則可納於善良若聽其遊惰而不早爲之所是縱之使爲奸宄也父母斯民之義何居現今保甲之法在在舉行稽查甚易爲力而一切視爲具文置之膜外尚安望其阜財而興禮讓哉地方有司有不實心整飭化導仍前怠玩者朕必於該督撫是問欽此



上諭向因閩省漳泉地方民俗剽悍好勇鬪狠而族  
大丁繁之家往往恃其人力強盛欺壓單寒偶因  
細故微嫌輒聚衆逞兇目無憲典漳泉大率如此  
而他府又復不免蒙

皇上考特頒諭旨諄切周詳令該督撫董率有司時加勸  
導訓誨提撕務期革薄從忠共成禮讓之俗無如  
積習難移而官吏又奉行不力今朕聞得數事皆  
出於理法之外者本年四月間福州府屬之屏南  
縣典史下鄉徵糧鄉民竟將典史毆打網縛又與  
化府屬之仙遊縣告病知縣邵成平赴省領咨有

福建續志

卷首

典謨三

五

縣民李姓因訟事未結嗔其卽行離任竟於中途  
截住肆行毆辱至於漳泉等府民人凡遇爭田奪  
土集場以及口角等事輒率多人執具器械以決  
勝負大姓欺凌小姓小姓不甘又復糾集鄉人復  
仇報怨又廣東之惠潮兩府與閩之漳泉壤地相  
接江西之寧都一縣與汀州府亦屬毗連悉皆薰  
沐刁風號稱難治數處之人犯罪發覺則互相竄  
匿彼此爲逋逃之藪奸宄叢生州縣等官未免自  
顧考成曲爲隱諱而前任督撫又於屬員稍有振  
作者喚爲多事苟且玩愒視爲固然卽如前任永



春州汪廷英於乾隆元年因鄉民兩姓爭鬧前往  
彈壓竟被兇毆其後不過以枷責完結姑息養奸  
莫此爲甚此有關於人心風俗之要務著閩廣及  
江西督撫時刻留心化導整頓務令循理遷善革  
其非心倘有怙過不悛仍蹈故轍者卽行分別輕  
重寘之於法不少寬貸如此庶人心知所做懼而  
風俗可以轉移矣欽此

諭飭學官

乾隆六年

上諭古者黨有庠術有序民生八歲入小學十五入  
大學不獨秀而爲士者羣居樂業天下實無不教

福建續志

卷首

典謨三

六

之民是以教化興而風俗厚後世設立教官專以  
課士已非先王有教無類之意而近來教職多係  
衰老庸劣之輩不但不能以道德禮義化導齊民  
並其課士之職亦不克舉則安用此一官爲也朕  
御極之初念其俸薄不足自贍特命增給乃望其  
修舉職業助興教化非以廩餼爲養老之具各員  
亦不當以司鐸爲養老之官也著該督撫會同學  
政嚴飭所屬教官務以實心實力勸學興文恪盡  
課士之責其有年力衰頹貪戀祿位及庸劣無能  
不稱師儒之席者秉公甄別咨部罷斥庶訓迪得



人而於造士育材之道庶幾其有裨益各督撫學  
政仍當時刻留心永久奉行不可苟且塞責也欽  
此

諭禁貴糶 乾隆七年

上諭從前廷臣議准張渠補買倉穀一事以本邑之  
盈餘爲本邑之撥補其他州縣不得通融如歲歉  
穀價昂貴不敷採買准其展限朕思地方積穀原  
以備民間緩急之需必及時買足方於儲蓄有益  
若一概不許通融而無盈餘之州縣或又值歲歉  
價昂咨部展限則儲倉必致久懸非濟民利用之

福建續志

卷首

典謨三

七

道也嗣後如該州縣當秋成之時穀價高昂不能  
買補而該處存倉穀石尚可接濟者照例詳請展  
限於次年買補倘穀價旣屬不敷而貯倉穀石又  
係不足者准其詳明上司以別州縣穀價之盈餘  
添補採買爲酌盈濟虛挹彼注茲之計該管督撫  
不時查察一面辦理一面奏聞又從前張渠奏請  
減價糶穀於成熟之年每一石照市價核減五分  
米貴之年每一石照市價核減一錢此蓋欲杜奸  
民賤糶貴糶之弊也但思尋常出陳易新之際自  
應遵此例行假若荒歉之歲穀價甚昂止照例減



價一錢則窮民得米仍屬艱難不能大沾恩澤嗣後著該督撫臨時酌量情形將應減若干之處預行奏聞請旨如有奸民賤糴貴糶之弊嚴拿究治日今江南督撫卽同欽差遵照此旨一面辦理一面具奏欽此

諭飭漳泉風俗

乾隆七年

上諭閩省漳泉民風素稱强悍朕曾屢降諭旨令督撫實心化導泉俗稍覺改移而漳州仍屢有鬪鬧之事蓋緣地方官教懲失當偶遇一事非文員自顧考成容隱寢息卽武職好大喜功張皇其辭而

福建續志

卷首

典謨三

八

大吏不能董率查察遂致姑息日久釀成此風且聞漳民質尚魯直非不可教必係該地方有等匪徒平日潛藏山陬海筵遇有水旱不常輒出而引誘煽惑以致愚民墜其術中身罹法網而不知似此稂莠不除良民何以安生爾將此旨傳諭總督那蘇圖巡撫劉於義時爲留心董率各屬實力化導查察務剔除此等奸頑以安良善亦不可因有此旨而擾及無辜以副朕軫念邊海愚氓轉移風俗之至意欽此

諭臺灣防汛

乾隆七年



上諭臺灣地隔重洋一方孤寄實爲數省藩籬最關緊要雖素稱產米之區邇來生齒倍繁土不加闢偶因雨澤愆期米價卽便昂貴蓋緣撥運四府及各營兵餉之外內地採買旣多並商船所帶每年不下四五十萬又南北各港來臺小船巧借失風名色私裝米穀透越內地彼處概給失風船照奸民恃爲護符運載遂無底止且遊手之徒乘機偷渡來臺莫可究詰聞此項人等俱從廈門所轄之曾厝垵白石頭土擔南山邊劉武店及金門所轄之料羅金龜尾安海東石等處小口下船一經放

洋不由鹿耳門入口任風所之但得片土卽將人口登舥其船遠掉而去愚民多受其害况臺灣惟藉鹿耳門爲門戶稽查出入今任遊匪潛行往來海道便熟將鹿耳一門亦難恃其險要殊非慎重海疆之意朕所聞如此著該督撫提鎮嚴飭所屬文武官弁將以上各弊一一留心清查並於汛口防範周密不使有疎縱庶民番不至缺食港路亦可肅清該部可傳諭知之欽此

上諭國家子惠黎元教養由來並重朕君臨天下宵



旰維勤重農桑輕徭賦所以養民者惟恐不周至  
於正人心厚風俗皆國之大務尤所時厯於懷者  
凡中外臣工莫不諄切誠諭務使民間習尚馴良  
訟獄衰息以漸臻風移俗易之效乃數年以來民  
風仍未還醇習俗每輕犯法豈小民之不可牖迪  
歟抑牧令之教化不浹而德意未孚也古者朝廷  
之政象魏懸書閭里之教月吉讀法三物六行匪  
徒具文我

聖祖仁皇帝聖諭十六條飭紀敦倫型方正俗精義超  
越前古

福建續志

卷首

典謨三

十

世宗憲皇帝萬言廣訓益加詳明剴切開導所以牖民  
覺世者至矣使地方有司竭誠宣布雖甚愚頑誰  
無天性亦必洗心滌慮革薄從忠駸駸於上理無  
如實力奉行者甚少卽朔望宣講不過在城一隅  
附近居民聚集觀聽者僅數百十人而各鄉鎮間  
有講約之所亦多日久廢弛全無實際至所奉諭  
旨有關於教民者亦惟張掛告示視爲通行之常  
例焉能使之悅耳革心翻然悔悟是以尚氣輕生  
狃於性成作奸犯科常爲俗染及其怙終不悛而  
刑罰隨其後朕甚憫之夫守令之失良之父母古所



稱忠信之長慈惠之師惟本至誠惻怛之意以感動愚民使之各自警省又能隨時隨事委曲勸諷諒無有不可化誨之人亦無往而非敷施之地卽聽訟一端兩造具在隣佑親族齊集公庭正百姓耳目所屬推誠曉諭最易提撕不徒現犯者各自愧悔并使旁觀者亦因此傳播交相勸勉若公事稍暇或講讀編審或勸課農桑卽可單車簡從親歷鄉村遇父老子弟獎其善良懲其不率申之以勸誠示之以榮辱循謹者益加鼓舞卽強悍者亦知戒懲漸摩日久性情和順貪利好勝之心不作

福建續志

卷首

典謨三

上

一道同風之盛可幾矣惟是百姓以守令之行事爲觀感守令以督撫之意指爲從違爲督撫者果能董率所屬留心化導實力奉行日計不足月計有餘斷未有爲其事而無其功者若徒視爲虛文接到諭旨轉行牌示遂以爲已經遵奉則亦何益之有各省督撫等受朕深恩畀以封疆重寄尚其儆惕黽勉以無負朕諄諄誥誥誠之至意欽此

諭懲奸民

乾隆八年

上諭閩人驚悍成習而漳泉爲尤甚我

皇考暨朕亦旣屢頒訓諭令地方有司誠心化導朝夕



提撕務感其天良痛改其夙隱無如怙惡不悛藐視法紀邇來辱官毆差之事源源有之朕細察其故大抵因州縣官姑息養奸每遇惡棍不法等事輒私自寢息以圖省事並不申報上官又復苟且消弭不行究詰以致兇頑之徒習爲固然無所忌憚養癰貽患非一朝一夕之故也夫地方有司原有父母斯民之責必平日有休戚相關之誼視民如子至誠感孚則民亦莫不視之如父母其尚有桀驁難馴甘蹈法網者無此情也蓋恤民之與懲奸二者原相爲用欲恤民斷不可不懲奸而非懲

奸又斷不能恤民今閩省司牧之道兩者俱失何以厚民生肅吏治挽薄俗救頽風用是特頒此旨該督撫等當時體朕心時時訓飭有司務期寬嚴並濟懲勸並施洗因循之積習歸平康之淳風朕於督撫有厚望焉欽此

諭整吏治以戒因循

乾隆八年

上諭朕君臨天下勤求治理小民生養之源無日不爲深計而勸諭之術尤在久道化成是在督撫諸臣董率羣吏日就月將實用其心於興化致治之要以駸駸於上理非徒奉文守法循分苟安遂謂



無忝厥職也朕聞雅爾圖之在河南官署鞠爲茂草許容之居湖南至以文書廢紙糊窓此卽孫樵所謂以官爲傳舍醉濃飽鮮笑與秩終而已雅爾圖許容尚稱勤於職事者而猶有此則推而至於他省等而至於州縣其在官無異一驛耳古之人臣處官事如家事試問今之爲官者其料理家務果肯若此之草率簡陋漫不經心乎此雖細務可見其心不在官欲望其曲體民情而代謀家室此必不可得之數也張九齡云縣得良宰萬戶息肩州有賢牧千里解帶蓋吏數變易則下不安業久

於其任則民服教化若當官而存苟且之心將百事皆從廢弛矣漢時治尚循良璽書勉勵增秩賜金以儲公輔之用意在久任於安民也雖朝廷用人量才審器必酌人地之宜自不能無一更調而欲吏與民相接俾氣協而情通究以久任爲常法居是職者暫不忘久卽一日而爲數十年之計久不生倦數十年仍當如一日之心則訓俗型方自必視爲切已事也今親民之官不至苞苴肆行亦多兢兢職守然僅惕於功令以遏其貪穢資廵於考成以策其勤敏簿書期會之外豈真有以民心之



淳薄而爲念者歟此閭閻之所以不盡馴良而化  
導之未浹也夫身膺民社卽爲其父母師保官之  
視民如子弟則民之視官若父兄官民同其休戚  
而情意相浹斯叩之而卽應感之而易從今之州  
縣于黎元之身家性習視同膜外平時不相聯屬  
而誠諭俱屬具文澆漓溺於其心凌競狃於所習  
此則所謂痼疾外視若無所苦而病隱中於根本  
愈久愈大治之甚難誠不可不亟爲究心者試思  
身爲牧令若但司簿領事承接則一書吏之能事  
何以官爲若韓延壽閉閣思過而民自悔悟吳祐  
以身率下而民不忍欺是民非無良權實操之在  
上惟教深於隱微故其樹績益顯爲督撫者果以  
此爲課最使有司提撕警覺百姓觀摩漸漬日計  
不足月計有餘將見官與民相習情與事相通一  
氣感孚不致扞格於以興教化而移風俗無難也  
倘任其波流無以發其孝弟廉讓之至性豈能使  
之奉長吏之命而羣然率從乎朕聞駟馬不馴御  
者之過也百姓不治有司之過也有司與民漠不  
相關咎在督撫不能使有司化誨其民咎卽在朕  
今吏多玩愒而風不右若朕實愧之國家承平日



久治具畢張雖久道化成未易驟至而整吏治以  
戒因循正人心以除積習凡有蒞民之責者皆當  
審時務之急先思致治根本而加之意焉其各遵  
奉毋忽特諭欽此

諭禁米出洋

乾隆八年

上諭前因暹羅國商人連年帶米來閩朕曾降旨免  
徵船貨稅銀併令嗣後凡外洋商民運米至內地  
者酌量米石多寡分別免稅著爲常例蓋外洋果  
有餘米運來內地貿易於沿海各處民食自不無  
裨益加恩免稅所以惠遠商亦爲內地民食計也

福建續志

卷首

典謨三

五

第恐內地奸商希圖寬免貨稅之利將來偷漏出  
洋復借此夾帶貨物轉載至口捏稱該國運來米  
石冒恩肆蠹弊益滋甚向來販米出洋例有嚴禁  
惟在各該督撫時飭地方員弁於各口要隘實力  
巡查嚴核出入毋得有疎懈庶幾弊端可除而沿  
海民人得實受外洋運米之益可寄信與江南浙  
江福建廣東等省督撫知之欽此

諭專教養

乾隆九年

上諭爲治以安民爲本安民以教養爲本二者相爲  
表裏而不可偏廢務求實效而不事虛名乃克盡



父母斯民之道蓋人君總其成於上而分其任於督撫督撫總其成於上而分其任於州縣州縣民之司命而又與民最親者也身居此官身履此地耳聞目擊切近易知非地遠情疎遙爲揣度者可比是則民生之休戚民俗之醇疵雞犬桑麻之細日用飲食之常良奸之不一其類勤惰之各異其情必一一洞悉於中而後可以加之調劑所謂知州必能知一州之事知縣必能知一縣之事顧名思義循名責實豈簿書錢穀無悞期會遂謂可勝任而愉快耶朕御極以來孜孜圖治訓飭大吏廣

勵羣僚至再至三辭煩意復無非欲措斯民以維席之安復斯民以降衷之性而細察近日有司究不免奉行故事罕有能深體朕意以行實政而收實效者夫一州一縣事旣不周知洞見則官之與民益相隔而不能相親欲其視民之疾苦如家人之困厄視民之詐僞如子弟之悖淫救焚拯溺竭力殫心不可得矣州縣所屬地方雖廣狹不一事務繁簡不同然一月之中豈無齋戒停刑之日亦有因公下鄉之時果能乘此餘暇不辭勞瘁親履田間與父老子弟歡然相接如人家父子言孝言



慈啓其固有之良化其惰窳之習因而詢問疾苦講求利益度其原隰相其泉流審物土之宜因閭閻之便利所當興者舉之害所當除者去之則養與教兼施善政莫大乎是至於身所不能遍及之處則有約正值月人等或給之廩餼或加之獎誘使之分佈四鄉代爲化導亦可冀其分任耳目以勛官之不及務使一州一邑之民情聯勢合如父子兄弟之相爲扶掖如頭目手足之相爲捍衛一州一邑如此他州他邑從而效之一郡一省如此他郡他省從而效之始則艱苦久則漸近自然所謂日計不足月計有餘古之循吏獨不可再見於今歟是在爲督撫者實心以勸課屬吏爲小縣者實心以愛育羣黎勉強力行毋憚勞勩政成於上民悅於下事有必至理有固然語曰至誠而不動者未之有也爲其事而無其功者亦理之所無也用是再頒此旨通行訓誨自督撫以至州縣各官皆當身體力行以奏治效毋徒視爲具文焉特諭

欽此

諭慎選學官

乾隆十年

上諭教職爲司鐸之官訓課士子長養人材是其專

福建續志

卷首

典謨三

七



責乃向來循例銓授未加別擇以致衰老龍鍾庸劣荒疎之人濫居師儒之席者不可勝數此中外所共知共見者是以去年朕命廷議古人原有七十致仕之義現任教職年至七十以上者令其休致之處曾經通行上年湖北巡撫晏斯盛以歲貢年已七十應否扣選一事摺奏請旨時朕復思古來申公伏生老而傳經人之可用與否未可專以年齒論譬如年逾七十而強健者亦不可銓選乎未至七十而病憊龍鍾者亦可姑容乎惟當看其人之可用與否以爲去取不當以七十爲限總在

福建續志

卷首

典謨三

六

該督撫學政秉公實心辦理庶有裨益已將此意明白批諭今伊又復具奏內稱每科鄉試後既行淘汰至奉文截取之時是否再加考驗又稱拔貢副榜似應一體考驗等語是晏斯盛尚未領會朕務在得人之旨但於細微之處沾沾奏請且此旨未曾頒布各省恐不知者尚多應通行宣諭一體遵奉查上年有每次鄉試後令督撫學政驗看大加淘汰一條昨甲子科鄉試後已舉行一次其實在老邁龍鍾者業已去其大半嗣後此例不必每科舉行候朕因時制宜酌量降旨其恩拔歲副及



揆貢應用教職者驗看之處仍照舊例行至該員  
臨選時給發文憑到日仍加考驗必精力文藝足  
勝司教之職方准領憑赴任庶衰庸者不得濫膺  
而學校或可收得人之效欽此

諭正文體 乾隆十年

上諭國家設制科取士首重者在四書文蓋以六經  
精微盡於四子書設非讀書窮理篤志潛心而欲  
握管揮毫發先聖之義蘊不大相逕庭耶我

皇考有清真雅正之訓朕題貢院詩曰言孔孟言大是  
難乃古今之通論非一人之臆說也近今士子以

福建續志

卷首

典謨三

九

科名難倖獲或故爲艱深語或矜爲俳儷辭爭長  
角勝風簷鎖院中偶有得售彼此倣倣爲奪幟爭  
標良技不知文風日下文品益卑有關國家掄才  
大典非細故也夫古人論文以渾金璞玉不雕不  
琢爲比未有穿鑿支離可以傳世行遠者至於詩  
賦揆藻敷華雖不免組織渲染然亦必有真氣貫  
乎其中乃爲佳作今於四書文採掇詞華以示淹  
博不啻於孔孟立言本意相去萬里矣先正具在  
罔識遵從習俗難化職此之故嗣自今其令各省  
督學諸臣時時訓飭鄉會考官加意區擇凡有垂



於先輩大家理法者擯棄弗錄則詭遇之習可息  
士風還淳朕有厚望焉該部通行曉諭中外知之  
欽此

御製十三經注疏序

乾隆十二年

班固氏曰六經者王教之典籍先聖所以明天道  
正人倫致至治之成法也漢代以來儒者傳授或  
言五經或言七經暨唐分三禮三傳則稱九經已  
又益孝經論語爾雅刻石國子學宋儒復進孟子  
前明因之而十三經之名始立自宋易漢唐石刻  
之舊五經始有板本及明南北監板行而箋疏傳  
義臚列具備學士家有其書傳習彌廣顧訓詁繁  
則踳駁互見卷帙重則豕亥易訛或意晦於一言  
之舛或理乖於一字之謬校讐疎略疑悞滋多承  
學之士無所取正我朝

福建續志

卷首

典謨三

三

列祖相承右文稽古

皇祖聖祖仁皇帝研精至道尊崇正學五經具有成書  
頒布海內朕披覽十三經注疏念其歲月經久梨  
棗日就漫漶爰勅詞臣重加校正其於經文悞字  
以及傳注箋疏之未協者參互以求其是各爲考  
證附於卷後不紊舊觀刊成善本匪徒備金匱石



室之藏而已書曰學於古訓乃有獲傳曰經籍者  
聖哲之能事其教有適其用無窮朕咨采勅幾實  
無審定之暇亦無鑒古之識而惟是緝熙遜志日  
就月將則有志焉而不敢不勉繼自今津逮旣正  
於以窮道德之闡奧嘉與海內學者篤志研經敦  
崇實學庶幾經義明而儒術正儒術正而人才昌  
恢先王之道以贊治化而宏遠猷有厚望焉

諭戢刁風

乾隆十二年

上諭朕宵旰勅幾思所以惠鮮懷保之道尤勵始勤  
終怠之戒不敢因臨蒞久而有泰心近歲以來科

福建續志

卷首

典謨三

三

道官時有以民氣漸驕爲言朕初不信仍戒飭之  
乃福建則有羅日光抗租拒捕之案山東則有張  
懷敬聚衆毆差之案江南則有王育英號召罷市  
之案廣東則有韋秀貞拒捕傷人之案而莫甚於  
山西安邑萬泉聚衆抗官守門索犯之肆爲猖獗  
也夫以普免錢糧而民不以爲恩加賑厚恤而民  
不生其感偶或地方有司辦理少不如意輒羣呼  
咆哮挾制官長爲督撫者或避卞急之名或存省  
事之見不詢根由不顧大體甚或叅處官員以圖  
結案夫百姓之敢於恣肆妄爲亦由平日不知尊



親大義而平日之不知大義則由於朕厚加之以  
恩膏而不先率之以教化督撫亦惟知朕有愛民  
之心而不思朕有教民之責居恒煦煦唯恐  
拂百姓之意百姓日無官長竟若官長去留可操  
之於其手及羣不逞譁然而起而官長則已掛名  
彈章以致益煽習爲故常猶劣子之倚慈母有所  
恃而無恐且抗衡焉不思守令者朝廷之守令敬  
守令所以尊朝廷普免加賑格外之矜恤也假如  
不蠲免不賑濟譬之父母不顧其子耳不得生怨  
忿之心乃旣蠲旣賑而轉不安分奉法卽使有司

奉行不善胥吏夤緣爲奸國有常經民宜靜聽夫  
父母愛子亦愛其馴順者耳使其子縱欲而不能  
節之以禮爲非而不裁之以義至於扞法抵觸議  
者必歸咎其父母其父母亦必自悞過縱之失則  
今日之頑民聚衆干犯刑章朕得不引爲已過深  
自愧悔也歟然朕雖失教於前尚思勤懇誨迪於  
後以爲衆黎庶勸各督撫其倡率州縣諄切化導  
使愚民知敬畏官長服從教令勿復自蹈迷途以  
益朕過實厚望焉各督撫其遍行曉諭使遠所窮  
鄉之民感悉朕意欽此



諭禁淫祀

乾隆十二年

上諭朕聞閩省風俗尚鬼信巫偶遇雨暘失時遂有無藉之徒意在歛錢肥己詭稱某處神佛靈應聚眾迎賽或將神像擡至街衢挾令地方官跪拜迎送種種惡習殊屬不經凡地方偶遇水旱自督撫大吏以至州縣有司固當竭誠致禱明神爲民請命豈有棍徒藉名聚眾擡持官長因而召爭起釁滋生事端甚爲風俗人心之害此風斷不可長嗣後著嚴行禁止倘有違犯卽照律治罪地方官倘或悠忽從事姑息養奸卽著該督撫叅處他省或

福建續志

卷首

典謨三

三

有似此惡習者著該督撫一體辦理欽此

御製三禮義疏序

乾隆十三年

三禮之傳遠矣周禮六官河間獻王上之儀禮十七篇禮記四十九篇高堂生戴聖傳之漢唐以來箋疏訓釋無慮數十家考其義或相牴牾先儒嘗譏其聚訟要其掇拾灰燼之餘傳先王制作之舊得什一於千百好古者所爲鄭重而愛惜之也我

皇祖聖祖仁皇帝表章羣經既

御纂周易折中而詩書春秋則以分授儒臣纂輯義疏頒布海內惟三禮未就朕御極之初儒臣上言今



當經學昌明禮備樂和之會宜纂輯三禮以歲五  
經之全爰允其請開館編校越十有一年冬告竣  
夫禮之所爲本於天殺於地達之人倫日用行於  
君臣父子夫婦朋友之間斯須不可去者天不變  
道亦不變此其本也其制度品節服物采章隨時  
損益屢變以適其宜者禮之文也三代去今數千  
年矣脩其教而教明循其道而道行謂三代至今  
存可也何則其本得也若其用之朝廷邦國名物  
器數之具周旋進退之儀雖先王處此必將變通  
以適其宜而不泥於其迹故言禮者惟求其修道

設教之由以得夫禮之意而已顧其教之不泯道  
之所由傳未嘗不賴於經好學深思之士讀其書  
有惜不能俯仰揖讓於其間者先王制作之精意  
尚可想見於抱殘守缺之餘則經傳之爲功也大  
矣鼎彝鈞劍之遺篆籀之蹟流傳有自尚摩挲而  
寶護之况制作之精意所賴以傳者歟獨其留於  
衆說無所取衷爰命校纂諸臣芟煩截浮約文申  
義敷暢厥旨至其說之不可強同者稍爲辨正而  
仍其舊蓋其承傳各異必牽合附會比而同之則  
其惑也滋甚故無取焉刻旣成爲之敘論以發其



端俾隆禮者有所考云

平金川加上

皇太后徽號恩詔

乾隆十四年

奉

天承運

皇帝詔曰帝王恭膺景命寅紹丕基內正家邦外寧邊境起宮庭之雅化播海宇之休風必原垂裕之隆以著懋昭之盛所以顯親教孝榮號歸尊載考前徽實多慶典欽惟我

聖母崇慶慈宣皇太后

福建續志

卷首

典謨三

三五

仁垂教育

德溥生成

啓泰運以貽謀

體坤儀而立極頃以中宮虛位內佐需人乃

眷柔嘉俾宏繼體嫺如那拉氏提躬淑慎秉性端莊

克承

慈顧之恩允協順成之義雖正位之禮尚待於三年而統攝之儀當循乎往制於乾隆拾肆年肆月初伍日冊命那拉氏爲皇貴妃攝六宮事問安蘭殿表範椒塗永敬奉乎



徽音以穆宣乎壺政至於遐方綏靖中外乂安丕成  
不戰之功益荷無疆之

庇方當元勳專閩嘉勇略之宏杼禁旅揚威奉先聲  
之大震審機宜於宵旰時切憂勤承

懿誨於再三深蒙訓迪仰體

好生之念用開祝網之恩金川土酋莎羅奔狼卡等  
稽首來降革心效順兵戎載戢蠻服救寧淳化殷  
流太和翔治此嘉祥之並集實惟

佑啓之多方宜駿

鴻稱以彰

福建續志

卷首

典謨三

三

盛德謹告

天

地

宗廟  
社稷於乾隆十四年四月初八日率王公文武羣臣恭

奉冊寶加上

聖母崇慶慈宣皇太后徽號曰

崇慶慈宣康惠皇太后尊養兼隆彌衍鴻圖之瑞顯揚  
共戴永昭燕翼之祥盛典聿光湛恩用溥於戲廣

聖慈而錫福萬邦共樂乎昇平昭



德範以承麻四海覃敷乎愷澤布告天下咸使聞知

御製平定金川告成太學碑文

乾隆十四年

天畀我皇清握乾符俯坤軸函括萬邦悉主悉臣

五后纘承創守佑啓亦惟二三蓋臣布德宣力予曰有  
先後予曰有禦侮用造我不丕丕基罔有蘖芽罔不  
煦嫗長養游於大當粵有金川莎羅奔者居西蜀  
桃關以外界綽斯甲小金川之間向曾從征得受  
符檄與諸土司齒顧恃其險遠夜郎自大構釁隣  
番各土司申訴封疆吏吏曰蔓之不圖豈其視爲  
甌脫乃請兵籌餉期掃其穴而司其事者或怯縮

福建續志

卷首

典謨三

三

以老師或獯狡以蓄志軍無適從事用弗集予心  
惘然念遠徼之不寧或致增防置戍重勞吾民大  
學士忠勇公傅恒義同休戚毅然請肩斯任乃命  
以經略印益厚集諸路軍芻粟相繼閭閻不驚卜  
吉於戊辰十一月之三日

禡牙以指所征朕親御武帳賜經略酒以行天氣和  
昶陽氣宣復都人士聽覩聳躍罔不怵喜謂露布  
之旦暮至也乃歷燕晉驅秦隴越劍關絕川江凌  
桃關之巘經天射之峻又日討軍實而教訓拊循  
之均其渴飲饑食同其曉行夜眠至於密贊機務



親草奏章則又經略獨勤其勞而諸武臣有所不知有弗能共者恩威旣明士用益勵度番落如戶庭過部伍於衽席奸酋授首軍聲大振復以巨礮擊其礮堅礮以摧將俟諸軍之集搗其中堅而番首駭瞿駭喙稽首請降經略臣以彼罪重惡極窮而乞生久或渝且借焉慮不允所請朕惟

天地之德在好生彼蟻潰而鼠駭者毋寧赦而宥之且求降而盡殲之不可謂武矧不足以污我斧也於是經畧宣朕明旨登壇受降已巳二月之望日金川平定捷音至京是役也深入數千里奏凱未七

福建續志

卷首

典謨三

三

旬而振旅之師多有返自中途未究其用者昔之成功巴蜀如建武之定公孫江陵之降李勢皆在版圖之內無足比數廷臣舉

皇祖朔漠

皇考青海成例請勒碑成均以示來許夫秉丹誠而運籌決勝永靖荒徼者經略大學士之力也商可否於帷幄衝石矢於行陣者叅贊大臣及諸將士力也朕何有焉惟是體

乾元之德凜佳兵之戒保大定功安民和衆庶可以垂則乎乃係之以詞曰維



天生人類聚羣分凡庶林林孰非我民有羈而縻有誥而諄豈伊異視遠近殊倫守在四夷稽古名言無已用之寓義於仁蠢彼金夷恃其險阻蠶食豨張謂莫我拒不靖不庭侵茲隣聚駭奔叫呶以干大咎匪棘匪紆獫狁之故我張我伐獫狁之故我師旣集賊亦相持匪敢相持懼誅自支兩易寒暑救功稍稽賊益以狂怒臂當車罪臣旣誅以徇我師朕咨於恒汝往視之朕咨於恒惟汝同德惟我庶士亦久於役將茲旗兵羽林神策其勇熊羆其心金不何敵不摧何攻弗克濟以汝忠奏捷頃刻恒

拜稽首臣敢弗叢旣禡旣宜師出於京時惟一陽未逾五旬乃壓其疆前旌獵獵有節煌煌羣番迎驚謂自天降惟彼攸恃曰良爾吉以偵以諜如鬼如蜮其恃爰誅其類股慄紀律是明戎兵是詰鑿礮攻礮其守以失惟是懼誅潛弗敢出其潛弗出乃旦夕延將齊我軍披其中堅大鞞大膊期日之前彼乃窮蹙乞降悚虔惟命是從六事未遵除道築壇肉袒羊牽糾糾鍾琪乃度之愬聿抵賊巢開誠以諭攜其一酋軍門親赴悔罪歸誠車塵馬足順斯撫之昭我王度昔也雷霆今也雨露七縱諸



葛崱騎汾陽曰我相臣於前有光晉爵錫服黼黻  
龍章速歸黃閣左右贊襄休養生息惠鮮蜀邦我  
武旣揚無疆惟慶

諭舉經學

乾隆十四年

上諭聖賢之學行本也文末也而文之中經術其根  
柢也詞章其枝葉也翰林以文學侍從年來因朕  
每試以詩賦頗致力於詞章而求其沉酣六籍含  
英咀華究經訓之闡奧者不少概見豈篤志正學  
者鮮歟抑有其人而未之聞歟夫窮經不如敦行  
然知務本則於躬行爲近崇尚經術良有關於世

福建續志

卷首

典謨三

三

道人心有若故侍郎蔡聞之宗人府府丞任啓運  
研窮經術敦樸可嘉近者侍郎沈德潛學有本源  
雖未可遽目爲鉅儒收明經致用之效而視獺祭  
爲工剪綵爲麗者迥不侔矣今海宇昇平學士大  
夫舉得精研本業其窮年矻矻宗仰儒先者當不  
乏人奈何令終老牖下而詞苑中寡經術士也內  
大學士九卿外督撫其公舉所知不拘進士舉人  
諸生以及退休閒廢人員能潛心經學者慎重遴  
訪務擇老成敦厚純樸淹通之士以應精選勿濫  
稱朕意焉欽此



福建續志卷首

典謨

論察吏

乾隆十五年

上諭朕宵旰靡寧勤求治理各省政績惟督撫是賴  
每見督撫到任必訾議前人之短乃甫經去任而  
訾議者亦復如前竟成套習蓋在因循不振者輒  
藉口與民休息而不留意於釐奸剔弊既至於縱  
弛其有一二號稱任事者又徒申號令務勾稽而  
無當於明作有功之實效是但知求之於民而未  
知求之於治民之吏也安民在於察吏各省民風

福建續志

卷首

典謨四

一

淳漓不一政務繁簡各殊而隨時整飭必專其責  
於親民之官古稱監司擇守令一邑得人則一邑  
治一郡得人則一郡治督撫有表率分疆之任不  
在多設科條紛擾百姓惟在督察屬員令其就現  
在舉行之事因地制宜務以實心行實政而總其  
成者復能慎持綱紀廣諮詢審視聽則闕冗怠事  
之流不敢以文具應上官而民情何有不得民事  
何有不興有治人無治法誠探本之論也著傳諭  
各省督撫共體此意不得以急遽煩苛爲率作興  
事之術亦不得以蹈常襲故博寧人息事之名吏



戢則民自安朕於督撫等有厚望焉欽此

諭甄別學官

乾隆十八年

上諭向例各省教職六年俸滿該督撫學政公同甄別堪膺薦舉者保題送部引見其年力衰邁者咨部休致但督撫陋習既不肖輕保舉亦不肖多咨革是以保題固屬寥寥而休致者亦不多見惟使龍鍾衰老之輩濫竽戀棧無所區分蓋視教職爲無足重輕初不計及爲造士之根本也前以選拔貢生爲教職之階曾降旨訓諭各督撫學政令其加意慎重嗣後教職除有劣蹟者隨時叅劾外至

福建續志

卷首

典謨四

二

六年俸滿堪膺民社者保題其年尚強壯精力未衰可以留任者出具考語送部引見著准留任俟六年再滿仍如是甄別如年老人員卽著咨部休致有願來京引見者照大計之例該督撫聲明給咨引見至訓導一官例止得陞縣佐該上司尤多忽略嗣後甄別之例與教職同著爲令欽此

諭重旌表

乾隆十九年

上諭山西巡撫恒文所題陽曲縣烈女韓開姐請旌一本內稱開姐自幼聘與王朝藩爲妻夫死誓不再適嗣伊父母以壻亡多日央媒行聘開姐遂自



縊死等語閱其情節開姐初志在於守節本可不死其死也皆伊父母貪得另聘財禮迫之使然耳迨至其女自縊又復具呈請旌冀領坊價所領尚浮於殯葬之費且領價之後建坊與否均未可知是國家棹楔之典適以飽伊不肖父母之慾橐於維持風化之道未爲有裨而轉以滋弊若謂未婚之女能矢志靡他捐軀就義或該撫酌量製給匾額發交本宅懸掛亦足慰貞魂於地下不必專疏請旌給與坊價嗣後各省有似此者卽著照此辦理此本著發還無庸交部併傳諭各省督撫知之

福建續志

卷首

典謨四

三

欽此

諭賑恤

乾隆十九年

上諭喀爾吉善等奏臺灣澎湖等處颶風頓作沉失商漁船隻坍塌民房田禾間有刮損諸羅漳化二縣被災較重等語臺灣地居海外貧民猝被風災殊堪憫惻著該督撫查明被災戶口加意撫綏所有本年應徵地丁錢糧照例分別蠲緩乏食貧民酌借口糧妥籌接濟其坍塌房間擊沉船隻查明給與修費及掩埋之資仍督飭屬員實心查辦務使災黎均霑實惠至應行撥運內地補倉米穀併



著暫停運留備賑恤之用該部卽遵諭行欽此

諭重祀典

乾隆二十年

上諭直省建立名宦鄉賢祠卽古者瞽宗之祀所以崇德尚賢預斯祀者必其人實可當之無愧方足以光俎豆而式鄉閭其典綦重昨於幾暇恭讀

皇考世宗憲皇帝上諭有江西撫臣謝旻請以原任學道高鏞崇祀名宦降

旨訓飭並詢問江西通省紳士應否崇祀令其據實陳奏

皇考於崇祀一事

福建續志

卷首

典謨四

四

加意慎重如此所以爲世道人心計者具有苦心朕不勝欽感卽位以來各省督撫題請崇祀之人漸多該部或駁或准不過如所議行今見此

旨因憶近時大臣中曾有以祖父鄉賢具摺謝恩者召見九卿論及此事則卽尚書王安國左都御史楊錫綬之父其同時題請卽駁者曰徐景京則其子固非身列顯要者也設亦九卿祖父則該部亦必議准矣可見該撫之所請原在可駁可准之列而部臣之所議卽寓高手下手之心矣夫大臣身居九列部臣督撫義屬同官彼此瞻徇勢所不免卽



使採訪悉爲公當而悠悠之口難保其必無遺議  
又况名實未必盡孚者乎且入祠旣多朝貴先人  
則潛德韜光之正士必且耻與爲伍崇祀大典將  
不爲榮而以爲辱至實在政績茂著德望俱隆者  
或子孫不能自振必轉致湮沒無傳矣當其具呈  
公舉雖托之輿論而主持爲首者仍係姻族矜士  
貢諛徵賄何所不有風勵激勸之謂何不亦瀆典  
章而褻名器乎朕亦非謂大臣祖父必不可入祠  
也果使政事人品足爲矜式自必久而益彰何妨  
待之十數年後而必及其子之備位大僚亟亟題

請以至公之舉而冒至私之名乎其入祠年歲已  
久者姑免追究所有王安國楊錫綬之父禮部行  
文各該省卽爲撤出從前具題之督撫及覆准之  
該部堂官俱著交部查明嚴加議處嗣後子孫現  
任九卿其祖父概不得題請入祠其身後鄉評允  
當者聽著爲令總之徇情曲庇卽黨援門戶之漸  
昔

皇考洞悉此等陋習尤加振刷如查嗣庭呂留良諸案  
實足以挽頹風而勵名教萬世子孫臣庶何忍不  
兢兢遵守使綱紀肅清俗尚敦厚乃國家之福卽



四海臣民之福也倘以日久漸弛復萌故實將來如有查嗣庭呂留良不法之案朕亦非不能就國憲以警凡頑者諸臣其共惕之欽此

御製平定準噶爾太學碑文

乾隆二十年

遠矣山戎薰粥旃裘毳幕之人界以龍沙畜其驛奚雖無恒業厥有分部蓋自元黃剖判萬物芸生東夷西夷各依其地謬舉淳維未爲理據皇古莫紀其見之書史者自周宣太原之伐秦政巨海之築莫不畏其侵軼猾夏是虞自時厥後一奮發之君慨然思挫其鋒而納之宥然事不中機材不

福建續志

卷首

典謨四

六

副用加以地遠無定處故嘗勞衆費財十損一得縉紳之儒守和親介胄之士言征伐征伐則民力竭和親則國威喪於是有守在四夷羈縻不絕地不可耕民不可臣之言興矣然此以論漢唐宋明之中夏而非謂我皇清之中夏也皇清荷

天之寵興東海撫華區有元之裔久屬版章歲朝貢從狩執役惟謹準噶爾厄魯特者本有元之臣僕叛出據西海終明世爲邊患至噶爾丹而稍強吞噬隣蕃闌入北塞我

皇祖三臨朔漠用大破其師元惡伏冥誅脅從遠遯跡



毋俾遺種於我喀爾喀厥姪策妄阿拉布坦收其遺孽僅保伊犁故嘗索俘取地無敢不共逮夫部落滋聚乃以計籠哈密入西藏準夷之勢於是而復張

兩朝命將問罪雖屢獲捷而庚戌之役逆子噶爾丹策楞能用其父舊人乘我師怠掠畜於巴里坤擣營於和卜多於是準夷之勢大張然地旣險遠主客異焉此勞往而無利彼亦如之故額爾德厄招之敗彼亦以彼貪利而深入也

皇考謂我武旣揚不可以旣允其請和以息我衆予小

福建續志

卷首

典謨四

七

子敬奉

先志無越思焉旣而噶爾丹策楞死子榮妄多爾濟那木札爾暴殘喇嘛達爾濟篡奪之達瓦齊又篡奪喇嘛達爾濟而酗酒虐下尤甚焉癸酉冬都爾伯特台吉策楞等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀於是議進兩路之師問彼罪魁安我新附凡運餉籌馱長行利戰之事悉備議之始熟經庚戌之艱



者咸懼蹈轍惟大學士忠勇公傅恒見與朕同而  
新附諸台吉則求之甚力朕謂犁庭掃穴卽不敢  
必然喀爾喀之地必不可以久居若而人毋寧用  
其鋒而觀厥成卽不如志亦非所悔也故凡禡旗  
命將之典概未舉行亦云偏師嘗試爲之耳塞上  
用兵必以秋而阿睦爾撒納瑪木特請以春月欲  
乘彼馬未肥則不能遁朕謂其言良當遂從之北  
路以二月丙辰西路以二月巳巳各啓行哈密瀚  
海向無雨今春乃大雨咸以爲時雨之師入賊境  
凡所過之鄂拓克攜羊酒糗糒迎恐後五月乙亥

至伊犁亦如之達瓦齊於格登山麓結營以待兵  
追萬我兩將軍議以兵取則傷彼必衆彼衆皆我  
衆多傷非所以體上慈也丁亥遣阿玉錫等二十  
五人夜斫營覘賊向賊兵大潰相蹂躪死者不可  
勝數來降者七千餘我二十五人無一人受傷達  
瓦齊以百餘騎竄六月庚戌獮人阿奇穆霍集斯  
伯克執達瓦齊來獻軍門準噶爾平是役也定議  
不過二人籌事不過一年兵行不過五月無亡矢  
遺鏃之費大勳以集遐壤以定豈人力哉



天垂佑而授之事機設不奉行之以致坐失者多矣可  
樂成不可與謀始亦謂蚩蚩之衆云爾豈其卿大  
夫之謂旣克集事則又曰苟知其易將勸爲之夫  
明於事後者必將昧於幾先朕用是寒心且準噶  
爾一小部落耳一二有能爲之長而其樹也固焉  
一二暴失德之長而其亡也忽焉朕用是知懼武  
成而勒碑文廟例也禮臣以爲請故據實序之其  
辭曰

茫茫伊犁大幹之西匪今伊昔化外羈縻條支之  
東大宛以南隨畜獵獸蟻聚狼貪乃世其惡乃恃

福建續志

卷首

典謨四

九

其遠或激我攻而乘我緩其計在斯其長可窮止  
戈靖邊化日薰風不侵不距不來其那款關求市  
亦不禁訶始慕希珍終居竒貨吏喜無事遷就斯  
愞漸不可長我豈懼其豈如宋明和市之爲旣知  
其然飭我邊吏弗縱弗嚴示之節制不仁之守再  
世斯斬篡奪相仍飄忽荏苒夙沙革面煎鞏披忱  
集泮非鳴食黠懷音錫之爵位榮以華裾膝前面  
請願効前驅兵分兩路雪甲霜鋒先導中堅如量  
錯攻益以後勁蒙古舊屬八旗子弟其心允篤二  
月卜吉牙旗飄颻我騎斯騰無待折膠泉涌於磧



蕪苗於路我衆歡躍謂有

天助匪啼我衆新附亦云黃髮未覩水草富春烏魯木  
齊波羅塔拉台吉宰桑紛紛款納牽其肥羊及馬  
潼酒獻其屠耆合掌雙手予有前諭所禁侵陵以  
茶交易大愉衆情衆情旣愉來者日繼蠢達瓦齊  
擁兵自衛依山據淖惟旦夕延有近萬人其心十  
千勇不日逃掄二十五日阿玉錫率往賊所銜枚  
夜襲直入其邪揮矛拍馬大聲疾呼彼人旣離我  
志斯合突將無前縱橫韃韃案角鹿埤隴種東籠  
自相狼籍孰敢櫻鋒狐竄鼠逃將往異域徊步遮

福建續志

卷首

典謨四

十

之兇渠斯得露布旣至告

廟受俘凡此藏功荷

天之衢在古周宣二年乙亥淮夷是平常武詩載越我  
皇祖征噶爾丹命將禡旗亦乙亥年旣符歲德允協師  
貞兵不血刃漠無王庭在昔準夷弗恭弗諫今隨  
師行爲師侯尉昔時準夷日戰夜征今也偃臥知  
樂人生曰匪準夷曰我臣僕自今伊始安爾游牧  
爾牧爾耕爾長孫子曰無向非豈有今是

兩朝志竟億載基成側席不遑保泰持盈

平伊犁加上



皇太后徽號恩詔

乾隆二十年

奉

天承運

皇帝詔曰朕寅紹丕基統御中外痾瘝念切宵旰勤求惟期綏靖邊陲乂安黎庶俾享昇平之福並臻康阜之風若乃絕域歸誠膚功迅奏續

祖宗未竟之緒綿社稷無疆之休固事會之所期實懋昭之有自彝章式著慶典彌光準噶爾部落僻處荒陬未膺朝命妄思雄長陵擾諸番昔我

皇祖聖祖仁皇帝勤三駕以親征

福建續志

卷首

典謨四

七

皇考世宗憲皇帝命六師而殄討迨朕御極正及撤兵聊示羈縻准通貿易詎包荒之既久乃骨肉之自殘而逆豎達瓦齊篡弒相尋人心瓦解始則車楞伍巴什等款關請附繼則阿睦爾撒納等率衆來降既不忍拒之遐荒自當爲登之衽席是用揆機度勢命將出師因其向化之誠寄以前驅之任該將軍等同心戮力布德宣威大軍所至自噶爾丹多爾濟以及諸部各台吉喇嘛回民等莫不拜舞輸忱歡迎載道壺漿夾路耕牧不移遂直抵伊犁收其部衆撫綏安輯咸慶更生無血刃遺鏃之勞



奏掃穴犁庭之勝計自始事以迨捷聞曾未數旬  
迅成偉績歷稽往牒所希逢在於朕心倍深兢業  
此皆沐

蒼穹之默眷荷

列祖之鴻庥故能暢播遠猷光昭駿烈已分遣皇子恭

叩

祖陵代行告祭謹於乾隆二十年六月初一日親詣  
太廟躬申祇告併遣官祇告

天  
地

福建續志

卷首

典謨四

三

社稷暨

先師孔子用申謝悃至朕日侍

璇宮親承

懿訓溥

慈暉於海宇

錫厚澤於生民仰惟垂裕之

恩宜晉顯揚之號茲於本月初七日率王公文武羣臣

恭奉冊寶加上

聖母崇慶慈宣康惠敦和裕壽皇太后徽號曰

聖母崇慶慈宣康惠敦和裕壽純禧皇太后兩階之文



德覃敷輦皇圖於有永萬國之歡心允洽介純擬  
以彌增用溥覃恩聿光盛典於戲廣

仁恩於茂育遠敷熙皞之隆崇

光烈之觀揚永慶綏和之治佈告天下咸使聞知

諭釐剔佐雜

乾隆二十一年

上諭近來外省督撫於道府大員及正印官尚留心  
稽察至於佐雜等官往往視爲微員置之不問不  
知佐雜秩卑體褻與吏胥最近素相朋比遇有地  
方詞訟等一經批委輒思因以爲利奸胥串合舞  
弊甲賄則左甲乙賄則左乙兩賄則權其輕重而

福建續志

卷首

典謨四

三

左右之或兩授而和釋之夫蝨螻雖微必害良稼  
小民其奚堪此各該督撫皆有察吏安民之責其  
務申明憲令加意釐剔勿以惡小而姑容之俾政  
平訟理副朕勤求民瘼之至意著通行傳諭知之  
欽此

諭慎選同考

乾隆二十一年

上諭外省鄉試同考官例於州縣內之科目出身者  
考試入簾然該督撫往往視爲具文率以地方不  
甚緊要而辦事平常者充其選又或年力已近衰  
頹精神不能周到亦得濫竽其列夫衡文之柄雖



在主考而分房閱薦必須藻鑑精明方不致有魚目之混且應試舉子大省或數逾萬人主考官卽搜查落卷又豈能遍閱無遺如分校之得以從容詳審乎今歲鄉試屆期所有各省同考官其令該督撫等慎重遴選精加考試擇其年壯學優者共襄試事以副國家掄才大典鎖闈不過匝月本任卽繁劇原有委員代理於地方亦何致貽悞卽可將此通行傳諭知之欽此

諭慎重科舉

乾隆二十一年

上諭鄉試磨勘一事前已有旨令於下科爲始將來

福建續志

卷首

典謨四

古

詳加覆勘自不致視爲具文惟是三場試藝篇幅繁長士子風簷寸晷中檢點偶疎輒干指摘其以磨勘獲咎者轉得有所藉口且設科立法程才無取繁文虛飾今士子論表判策不過雷同勦說而閱卷者亦止以書藝爲重卽經文已不留意衡文取士之謂何此甚無謂也三場試以書藝經文足覘素養繼之五策更可考其抱負之淺深又何庸連篇累牘爲耶嗣後鄉試第一場試以書文三篇第二場經文四篇第三場策五道其論表判概行刪省至會試則旣已名列賢書且將拔其尤者備



明廷制作之選淹長爾雅斯爲通材其第二場經文之外加試表文一道卽以明春會試爲始鄉試以乾隆己卯科爲始著爲例如此則士子闈中不得復諉之於日力不給而主考亦可從容盡心詳較無魚目混珠之混且鄉試第二場止經文四篇斯潦草完篇者當在所黜專經之士得以抒夙學而淺陋者亦知所奮勵去浮文而求實效斯足稱國家賓興大典可傳諭該部遵行再向來會試例不磨勘未足以昭慎重亦著寬至庚辰春榜後奏請一體派員磨勘欽此

福建續志

卷首

典謨四

五

諭慎重科舉

乾隆二十二年

上諭前經降旨鄉試第二場止試以經文四篇而會試則加試表文一道良以士子名列賢書將備朝廷制作之選聲韻對偶自宜留心講究也今思表文篇幅稍長難以責之風簷寸晷而其中一定字面或偶有稍落輒下貼例未免仍費檢點且時事謝賀每科所擬不過數題在淹雅之士尚多出於夙構而倩代強記以圖僥倖者更無論矣究非核實拔真之道嗣後會試第二場表文可易以五言八韻唐律一首夫詩雖易學而難工然宋之司馬



光尚自謂不能四六故有能賦詩而不能作表之人斷無表文華贍可觀而轉不能成五字詩帖者况篇什既簡司試事者得從容校閱其工拙尤爲易見其卽以本年丁丑科會試爲始現在各省會試舉子將已陸續抵京該部卽通行曉諭知之欽此

諭甄別教職

乾隆二十二年

上諭各省教職六年俸滿例由該督撫學政公同甄別前經降旨令將堪膺民社者保題其年力未衰可以留任者一併出具考語送部引見但教職一

福建續志

卷首

典謨四

去

官寒毡可念遠道孤征舟車僕從之資不無多費僻在邊省者轉瞬六年尤爲僕僕嗣後各省甄別教職雲貴川廣福建湖南甘肅等省俱著改爲八年舉行一次俾得寬其程限至來京時亦不必專檄獨行聽其從便結侶請咨送部引見其六年保題縣令及餘近省分仍著照舊例行欽此

諭慎牧令保舉

乾隆二十二年

上諭牧令於民最親其賢否所繫最重前恐外省督撫各存意見登之薦剡者未必盡出於至公而實在循良之吏或致淹滯有十年不調之嘆是以降



古令將歷俸十年以上者送部引見蓋恐實有才  
具可觀久屈下僚冀得簡拔數人以供驅策且示  
鼓勵乃數年陸續引見各員多屬尋常供職之人  
求其才猷出色者甚少類皆庸庸者流適膺簡僻  
小邑得以存拙故可姑容其至十年之久者幸耳  
卽如今日之廣東陽江縣知縣李青廣西武緣縣  
知縣嵇坊其人殊無足觀較之督撫題陞薦舉之  
員相去甚遠可見數年來各督撫於保題陞調尚  
不敢逞其私意屈抑人材嗣後此等俸深人員如  
本人情愿引見仍照例送部其有不願者聽不必

僕僕道路徒費往返然人才具雖限之於天而志  
由自立果能實心任事必有實惠及民所當奮勉  
向上爲國家有用之員上司自有聞見若該督撫  
等因有此旨遂不秉公詳慎徇情濫舉或於闕茸  
衰庸之輩曲爲隱庇以博寬大之名則大非委任  
封疆之意矣著將此通行傳諭知之欽此

諭平定伊犁全部二道

乾隆二十三年

上諭準噶爾一事自用兵以來伊犁旣已蕩定而哈  
薩克汁阿布賴等亦輸誠內嚮實皆仰荷

上蒼之默佑



列祖之鴻庥獨因阿睦爾撒納逋逃未獲以致勞我師旅於今三年蓋此賊一日未能成擒則西事一日不能就緒不得不極力追捕以爲邊圉久遠之計非朕之好爲窮兵黷武也從前所降諭旨甚明去歲聞阿睦爾撒納竄入俄羅斯境內俄羅斯向爲和好之部定議彼此不許容留逃人况阿睦爾撒納之罪大惡極尤非他逃人可比當令理藩院行文俄羅斯薩納特衙門向索今據辦理俄羅斯邊界事務哈爾哈親王桑齊多爾濟等奏稱俄羅斯比爾哈的差圖爾馬齊比什拉等前來併移文內

稱阿睦爾撒納逃至伊境渡河被溺隨撈救拘禁旋因患痘身死今將屍獻出等語若惟恐不能取信於天朝而亟亟以獻屍爲確據者夫以阿睦爾撒納之貪殘狡詐貽害生靈負恩悖叛天良絕滅卽暫逃於顯戮必難追於冥誅斷無久延視息之理其爲死也諒無可疑而俄羅斯之收留叛賊始未嘗不欲撫而用之及其已死無可希冀然後獻出亦係其實在情節然彼旣已謹守舊約克全信義爲詞自不當逆料其詐拒而不受更行深責也且國家之所期務獲者不過一阿睦爾撒納耳今



其人已死其屍已得準噶爾全局自可以告厥成  
功朕惟以大公之心爲順應之舉斷不肯恃我國  
威誅求過當萬一所獻不實意圖欺罔則其曲自  
在俄儼斯彼若妄生事端則朕可以上告

天地而下對臣民再興師問罪亦未爲遲而無知苟安  
之徒亦無從議朕爲好武矣始議向俄儼斯索取  
阿睦爾撒納時衆人之意未必不竊議又生邊釁  
是總不知駕馭外蕃之道示之以謙則愈驕怵之  
以威則自畏此二言若子孫世世能守實大清國  
億萬年無疆之祚也卽如漢唐宋明和親稱姪歲

幣屢增是亦謙讓之極矣而於邊患寧稍救耶俄  
儼斯旣已收留逃賊若不嚴行索取彼必不將屍  
獻出設從史貽直陳世倌所議且將遷就隱忍竟  
似叛賊一入俄儼斯遂無可如何者所謂唾面自  
乾之爲朕甚耻之朕於軍國重務惟有乘機度勢  
因物順理不但初無構釁於俄儼斯之心卽此用  
兵三年雖未如康熙雍正年間之久而朕已慮衆  
人之勞時切於懷特因叛賊未獲萬難中止初非  
朕之本懷也向使從前在事諸臣果能訊合機宜  
則叛賊自不致逃竄卽逃竄亦當早爲弋獲何至



輾轉愆期此用人不當實朕之愧然統計連年軍興徵調皆出自公帑不但未加賦閭閻而賑恤有加於往歲此亦天下臣民所共知者今逆屍已獲伊犁全部悉入版圖徐謀耕牧纘成

皇祖

皇考未竟之緒而自古未通中國之哈薩克亦皆稱臣納貢其於我皇清疆宇式廓萬年久安之道爲有益矣朕亦不更置論至葉爾啓木哈齊哈爾等回部原可計日平定不必更煩動衆所有阿睦爾撒納身屍俟解到之日驗明戮示以彰國憲先將此

福建續志

卷首

典謨四

三

通行曉諭知之欽此

上諭前據桑寨多爾濟奏稱俄羅斯比爾哈的爾等移咨內稱阿睦爾撒納出痘身死作速遣人往認等語當經降旨令桑寨多爾濟速派人前往認明阿睦爾撒納屍骸解送京師今據桑寨多爾濟差親王齊巴克雅蘭品爾會同俄羅斯之哈畢坦普爾楚克抵得爾吉悉伯地方詳認阿睦爾撒納屍骸肌肉完整並無朽壞且面貌宛然但據伊等告稱薩那特衙門尚未有遣送阿睦爾撒納屍骸之信是以哈畢坦等未敢輕與等語據此則阿睦爾



撒納之死益屬確鑿無疑雖哈畢坦等因未奉伊薩那特衙門文移未敢遽將阿睦爾撒納之屍骸遣送然前此業經移知俄羅斯薩那特衙門令其送出薩那特衙門接到時自當令比爾哈的爾解送蓋伊等從前報知阿睦爾撒納身死之後尚恐時屆炎暑屍骸易變再三移催作速遣人往認將來所存僅一枯骨伊等必欲留之何用再朕前經降旨令將阿睦爾撒納屍骸解送京師特以阿睦爾撒納情罪重大雖已自斃亦應懸之藁街以昭顯戮耳今阿睦爾撒納罪惡貫盈已伏

福建續志

卷首

典謨四

三

天誅現今遣往之人會同詳悉驗明確實已屬毫無可疑則是俄羅斯將阿睦爾撒納之屍卽行解送與否均屬無關緊要可以不必深論矣著將所奏識認阿睦爾撒納屍骸確實緣由傳論中外知之欽此

諭飭水師

乾隆二十三年

上諭各省水師所設兵弁日以熟諳水務爲要向來水營將備積習遇有考選拔補恐提督等專以弓馬較優劣轉就其中稍能騎射者申送而該提督等亦遂不察其果諳水務與否漫爲去取夫使旣



習水務又嫻弓馬誠爲出衆全材但水師所重金  
在能識風雲熟知沙線以及通曉駕駛等事若專  
較騎射是輕其所重而重其所輕將實在熟諳水  
務之兵丁轉致一糧終老殊非設立水師本意嗣  
後除內河水師仍照舊例拔補外其出巡外洋各  
兵弁著該管官於統領出巡時留心查察權水務  
之緩急驗技藝之高下分別等第詳記檔案預行  
申報遇有考拔督提等可按籍而稽外委則以一  
等之兵丁拔補千把則以一等之把總外委考補  
如一等不敷卽用二等庶不致所試非所用而營

福建續志

卷首

典謨四

三

務可收實效至水師保送俸滿千總尤當詳慎著  
各督提等嚴行考核併發隔營統巡大員帶領出  
海試驗如果嫻習水務准其送部引見其或本營  
濫行保送及隔營扶同徇庇者卽行查明叅處其  
著爲令欽此

諭慎倉儲

乾隆二十三年

上諭據劉慥奏州縣出借倉穀每年秋收後多不上  
緊催完至春輒捏報還倉旋卽詳請出借不過令  
舊借之戶換一新領等語各省倉儲向例春借秋  
還青黃不接之時貧民旣得資其接濟而秋後卽



照數徵收穀石可以出陳易新兼不致侵蝕懸久  
至次年又可查核待借貧戶再行借給若不如期  
催令完納而以舊欠作新領則出借之項年後一  
年不肖胥役得從中影射侵蝕更有欠戶逃亡事  
故日久遂致無著者且舊時借領之戶尚欠而現  
在待借之戶甚殷倉貯既虛勢不能另爲籌給是  
名雖設倉備借仍屬有名無實大非慎重儲積賑  
恤困乏之意晉省既有此弊他省諒亦皆然嗣後  
各督撫務當嚴飭所屬實力奉行除緩徵州縣外  
所有民欠倉穀各令依限還倉勿復仍前玩視其  
有捏欠作完以欠作領卽查明叅處庶俾借欠不  
致久懸蠹弊可靖而緩急有備可通行傳諭知之  
欽此

諭重考績

二十四年

上諭向來內外文武三品以上大員遇京察軍政之  
年援例自陳文具相沿無裨實政曾經降旨停罷  
第念伊等游陟崇階並由特簡其人賢否優劣雖  
已均在洞鑒然其間亦不乏旅進旅退苟圖持祿  
戀棧之人若以平時旣無大過足干吏議又不按  
例甄核任其迴翔日久必致職業不揚甚非澄敘

福建續志

卷首

典謨四

三



官聯之道嗣後吏部于京察時將在京之尚書侍郎以下至三品京堂以上在外之總督巡撫分列爲二本兵部於軍政時將在京之都統副都統在外之駐防將軍都統副都統各省之提督總兵官分列爲三本繕具簡明履歷清單進呈候朕鑒裁以重考績大典著爲令欽此

諭重磨勘

乾隆二十五年

上諭秦蕙田等進呈磨勘順天等五省鄉試試卷所有簽出應行處分各卷頗見詳慎均交部照例辦理惟試卷內有詞意紕繆之甚者於文風士習殊

福建續志

卷首

典謨四

五

有關係卽今日召入諸大臣及磨勘大臣誰無司衡之任不得不爲明切宣示俾衆共知之制義一道代聖賢立言務在折衷傳註理明詞達爲尚前因士子多喜爲剽竊躡駁之詞不惜再三訓諭俾以清真雅正爲宗並將選定四書文頌貯內簾令考官知所程式乃今科順天鄉試中式第四名邊嚮禧文內竟有飲君心於江海之語揆其命意不過如飲和食德常言耳而蕪鄙雜奏遂至不成文義此豈字句小疵可比雖不宜以一語擯棄亦何至濫厠前茅若他卷尋常舛謬正不可悉數蓋由



典試事者不能別裁僞體而所好或涉新奇士子揣摩效尤不知墮入惡道此病自有科目以來皆所不免唐時韓愈以試文類於俳優爲耻且甚其詞曰人笑之則以爲喜人譽之則以爲憂可見有司尺度一不足憑深爲處士之累然其毅然以道自任尚思回狂瀾於旣倒况大臣等將以文學侍從甄拔羣材而可不秉經樹則端後進之勸向乎有明決科之文流派不皆純正但如歸有光黃淳耀數人皆能以古文爲時文至今俱可師法國朝人文蔚興前如熊伯龍後如李光地輩並根據理

福建續志

卷首

典謨四

三

要而體裁自見閎整至若張照等之步趨李光地亦知彷彿先民矩矱雖所詣不深要尚不失於正茲因抽閱試卷特降旨明白宣諭使衡文作文者咸以正風尚厚人心爲務愈見前次勅部定例磨勘裨益宏多又匪直爲屏斥具文起見也將此通諭中外其明體朕意仍將此旨錄於至公堂俾嗣後司文者知所警惕欽此

諭儆天戒

乾隆二十五年

上諭序臨北至一陰始生薄蝕適逢益切乾惕古帝王克儆天戒不敢以宿離有常度爲解朕亦同此



志彌月不雨蒿目增憂幸卽霑膏麥稔可望然盛  
滿爲虞匪藉遇災知懼始斤斤動色諮警爲也前  
歲日食下詔修省而建言者或毛舉細故撫拾浮  
詞雖不足深尤究無裨實政又清理刑獄間歲已  
勅部舉行踵事不已正昔人所稱赦非善政者應  
天以實不以文朕方側席省躬所有本月朔內廷例用  
龍舟上年旣以禱雨不行今雖際時和並飭停罷  
用申祇荷

天仁示戒之至意諭衆知之欽此

諭日月合璧五星聯珠勿宣付史館

乾隆二十六年

福建續志

卷首

典謨四

三

上諭昨據欽天監奏明年元旦午時日月合璧五星  
聯珠并繪圖呈覽請宣付史館朕以七政同躔互  
運凌犯或所時有靈臺占候者轉指爲瑞應以飾  
聽聞則大不是因召諸王大臣及監臣等面詢據  
勒爾森等五緯連貫相生不侵次舍實叶吉占並  
非以禳爲祥等語朕於天文象緯素未深究從不  
強不知以爲知但思日月五星行有常度史傳所  
載高陽氏時五星聚於營室年代荒遠已難具論  
卽如漢高祖元年五星聚東井宋開寶元年五星  
聚奎殆千有餘年始一遇而其爲實爲僞亦莫可



究及我朝雍正三年日月合璧五星聯珠相距宋時亦已七八百年今自乙巳至辛巳章部甫及兩周何以遂應再覲耶據監臣奏稱較前度爲尤昭明則安知將來不有議此度之亦不昭明者耶邇日西陲大功底定版圖式廓遠踰二萬餘里海宇晏安年穀順成內外諸臣大法小廉人民樂業其爲祥瑞孰有大於此者乎又如今冬京師風日晴暖正在望雪之際而六花疊降四野濡霑直隸河南山東山西等省并陸續奏報得雪而諸回城新闢耕屯亦有盈尺告豐之奏此則祥瑞之實而可

福建續志

卷首

典謨四

七

徵者不在乎合璧聯珠始足彰

上蒼符應也在監臣等職司觀象諒不敢妄相附會以爲潤色隆平之舉而揆之於理終難深信即使懸象著明星文表異實爲我國家世運亨嘉之盛瑞惟當益加兢業保泰持盈用以上承靈庥以與我天下臣民共享大平之福耳至謂元旦嘉兆適逢

慈寧七旬大慶之年可徵

萬壽延年之祝朕惟心識之而默叩

乾覲若必宣付史館垂爲慶牒則各省文武大吏



必競以甘露慶雲等事紛紛入告將日事虛文轉致貽誤實政殊非朕敬

天勤民宵旰圖治之至意所奏不必行仍將此宣諭中外知之欽此

皇太后萬壽恩詔

乾隆二十六年

奉

天承運

皇帝詔曰帝王恭膺景命孝治爲先肅奉徽儀恩施用溥際大平之上理溯源必始於宮闈昭尊養之隆文行慶聿昭於海寓萬國被康寧之福千秋揚

福建續志

卷首

典謨四

天

頌禱之聲顯號遐宣蕃釐茂集欽惟

聖母崇慶慈宣康惠敦和裕壽純禧皇太后陛下

仁心篤慶

懿德凝庥

含章允協於坤元

厚載常昭於泰運

恩垂啓迪勗宵旰以維勤業廣敷施勅幾康於無斁  
托

慈雲之普覆閩澤羣靈仰

愛日之長懸陽和徧煦



壽宇開而版圖式擴春臺陟而嘉應駢臻茲逢辛巳  
之仲冬恭慶七旬

聖壽自天申命聿昭保定之符率士騰懽特著尊崇之  
義爰祇告

天

地

宗廟

社稷於乾隆二十六年十一月二十日率王公文武羣

臣恭捧

冊

福建續志

卷首

典謨四

五

寶加上

聖母崇慶慈宣康惠敦和裕壽純禧皇太后徽號曰

崇慶慈宣康惠敦和裕壽純禧皇太后第祿永綏光啓

壽昌之運彝章具舉化敦敷錫之原鉅典攸昭隆

恩式展於戲介

慈釐而錫福萬年之景祚彌長崇

慶典以推恩四海之歡心畢洽布告天下咸使聞知

諭重銓政

乾隆二十八年

上諭向來親老改補近省者赴補時卽照例歸部坐  
補原缺得缺後然後引見但等該員等在部需次



動輒經年其材具尋常者原不妨稍待時日倘其中或實有出衆之材坐令淹滯未免可惜嗣後著照病痊赴補之例一體帶領引見候朕酌量降旨分別錄用又例稱此項人員內在改補之缺一經卓異卽改入新班免其坐補原缺同一養親而得遇薦剡遂爲終南捷徑恐日久漸開夤緣趨避之風將來此等改補近省卓異人員並著該部於引見時將緣由附摺聲明其公當與否自難逃朕洞鑒如此則有用者旣可及鋒而試而卓薦者亦可杜干進之門無枉無縱於銓政更爲平允著爲例

福建續志

卷首

典謨四

三

欽此

諭慎重封疆

乾隆二十九年

上諭督撫爲封疆表率地方遇有重要公務應親身前往董理者自不得簡出養安坐垂職守前屢降諭旨甚明第大員所過之地有司皆其本屬未免預備館舍盤餐夫馬勞費日滋卽經定制申禁並督撫通飭裁減而陋習終難盡革朕意欲杜屬員等供應之流弊仍當先清該督撫巡查之本源卽如督撫辦公出省輕騎減從固分所宜然惟攜帶幕賓胥役及舊案卷箱二節率視爲途次必需之



頂以致與擡廉衛儲侍驛騷勢難抑制職此之由殊不思其人既由敷歷洊階制撫於吏道自當明練何至尙幕胥爲行止竟至刻不可離且所巡歷不過爲一事而往豈有此一事該督撫尚不能辦而必資幕友必需通省歷任之成例焉用如許車馬筐篋重煩牧守等疲於奔命爲耶嗣後督撫等務須加意省約屏去繁文幕僚中如所備一時急需繕摺之類許其酌帶一人自給資斧其緊要簿件亦只自貯行笥不令屬邑供頓此外一切無益妄費概行刪除以免猾吏巧爲逢迎及家人長隨

福建續志

卷首

典謨四

三

借端勒索倘因防弊之故將來轉以慎重出巡托詞爲下官惜費是又徵羹吹壘全不知事理之輕重豈朕委任督撫之意耶將此通諭知之欽此

諭旌表節孝

乾隆二十九年

上諭崔應階題請旌表烈婦邢氏等一本援引雍正十三年冬季恩詔各省皆然未免故套相沿于良法美意殊未領會國家令典遇有孝子順孫義夫節婦核其實行如果堪膺旌獎封疆大員原可隨時據實題旌以勵風化若援遠年恩詔爲例是以激揚實政幾爲粉飾具文致有司不過奉行故事



而小民亦且視爲泛常豈核實表彰之意著通諭各該督撫嗣後旌表節孝但應確核事蹟據實題請勿得沿襲舊文以致習焉不察欽此

遵

旨議奏臺灣昌籍 乾隆二十九年

上諭御史李宜青條陳臺灣事宜一摺所奏應行與否且不具論而其用意之取巧器小已大失言官之體該御史奉差巡臺地方之事皆其職分所難諉第同差滿漢二員考成均屬一體見聞所及理宜和衷共酌會銜入告卽意見容有參差亦應據

福建續志

卷首

典謨四

三

實聲明專摺奏請乃李宜青既不於在臺時彼此會商至回京復命亦未聞一言及此及至差滿日久挾此爲獨得之秘羅列見長彼以建白博名高者存心鄙瑣固當如是耶此等伎倆猶得以嘗試爲得計耶李宜青著傳旨申飭至所奏各條亦不必以人廢言仍著交部議奏欽此欽遵于本月十六日抄出到部除先行遵

旨申飭外臣等按款核議恭呈

御覽一奏稱考校首嚴昌籍及鎗手頂替等弊原設立廩保童生互結法至詳也臺灣四縣應試多



福興泉漳四府之人稍通文墨不得志本籍則指同姓在臺居住者認爲弟姪公然赴考教官不及問廩保互結不暇詳至竊取一於輒褰裳以歸是按名爲臺之士實則臺地無其人臣於上年抵臺行文觀風四縣生員只八十餘卷詢之該處官吏據稱俱在內地夫庠序之設凡以宏獎風教使居其土者知所向方今臺屬南北二路廣袤一千數百餘里計其莊戶不下數萬而博士弟子員寥寥不少概見則皆內地竄名之所致也查臺地考試從前具有明禁非生長

臺地者不得隸于臺學

聖朝作養邊陲之至意人所共見又定例入籍二十年亦無原籍可歸者方准予寄籍考試今四府人士其本籍不患無可以應試之處而遠涉重洋或兩地重考或頂名混冒藐

功令而竊榮名莫此爲甚請將內地冒籍臺屬各該學文武生員照冒籍北闈中式之例悉改歸本籍仍請

勅下該督撫飭行兼管提督學政之臺灣道嗣後府縣試及該道考試應作何設法稽查識認精細



其廩保等不敢通同徇隱及受賄等弊斯則海  
邦皆鄒魯而作人之化無遠勿屆矣等語查全  
書內載臺灣向因新闢讀書者少多係泉漳各  
處冒籍今臺灣文風日盛何必借才異郡嗣後  
歲科兩試飭令該地方官查明現住臺地有田  
有產入籍既定之人取具隣里結狀方准送考  
如有冒籍臺地入學者將該地方官題叅議處  
本童照冒籍例治罪等語茲據該御史奏稱臺  
灣四縣多福興泉漳之人指同姓在臺居住者  
認爲弟姪公然赴考是立法非不嚴密而日久

福建續志

卷首

典謨四

三

漸至廢弛應如該御史所請

勅下該督撫及臺灣道轉飭地方官查明的係入籍  
二十年以上並無原籍可歸者方准考試如有  
冒籍赴考者除將本童及廩保照例治罪外地  
方官一併查叅議處至現在已經冒籍入學各  
生亦應照乾隆二十一年清查順天冒籍之例  
勒限一年改歸原籍如地方官奉行不力該督  
撫卽行指名叅處等因于乾隆二十九年十一  
月初八日奉

旨依議欽此



頒發周易述義詩義折中春秋直解

乾隆三十年

上諭前輯周易述義詩義折中春秋直解告成于從來傳注離合異同之處參稽是正允宜津逮士林而校刊訖工未經頒發著將此三書每省各頒一部依式鋟版流傳俾直省士子咸資誦習其原本卽庋藏學宮以示嘉惠廣厲至意該衙門卽遵諭行欽此

諭敬避

廟諱御名

乾隆三十年

上諭前據福建學政紀昀條奏敬避

福建續志

卷首

典謨四

三五

廟諱御名一摺經大學士等會同禮部議覆請將偏旁各字缺筆書寫原屬臣子敬謹之意嗣經武英殿校改書版推廣字類如率銜等字亦俱一律缺筆朕思

廟諱御名偏旁字畫前代如石經刊本俱係缺筆自應仿照通行但祇可令現在臨文繕寫及此後續刊書版知所敬避若將從前久經刊藏之書一概追改未免事涉紛擾至上中嵌寫之字與本字全無關涉更可無庸迴避嗣後如遇

廟諱御名應行敬避缺筆之處仍照舊例遵行外所有



武英殿頒行字樣及紀昀所請改刊經書之處俱不必行將此通諭中外知之欽此

諭省會書院

乾隆二十一年

上諭據楊應琚奏甘肅蘭山書院於去歲延請丁憂在籍之府丞史茂來主講席一摺此甚非是史茂係回籍守制之員理應閉戶以盡三年之禮至讀禮之餘或在家課訓子弟自屬分所應爲古人尚有廬墓終制者卽不能取法亦當杜守里門若竟住居省會書院教授生徒與地方官長賓主應酬則與居官何異此不過冀得膏火以資膳給遂置

福建續志

卷首

典謨四

三

禮制於不問微特人子之心難安其又何以爲多士表率乎督撫有維持風教之責縉紳中績學砥行足備師資者諒不乏人何必令丁憂人員覩居講席是應聘者固不能以禮自處而延請之地方大吏亦復不能以禮處人於風化士習頗有關係恐他省不無類此者特爲明切曉示通諭知之欽此

諭飭郵政

乾隆二十一年

上諭吳紹詩奏伴送暹羅國貢使禮部員外郎湯永祚攜帶伊子同行沿途託雇民夫並將德安縣家



人鞭責滋擾據該縣稟報經司道等逐一質訊推原索詐得贓之處審屬子虛請將湯永祚及捏報之知縣蘇壻交部查議等語所奏非是湯永祚伴送外藩貢使乃攜帶伊子沿途騷擾卽應參奏治罪至奉差人員經過驛站滋事地方官往往不敢與較該縣蘇壻據情稟報尚屬強幹之員乃吳紹詩因其所報畧有不實與湯永祚一體奏請議處俾兩敗俱傷是將來驛站各員心存畏懼一任馳驛之人橫行滋擾悉皆隱忍不言勢將益無忌憚其何以飭郵政以肅使輶且該撫摺奏意在調停

兩可曲爲宛轉其詞原屬不合湯永祚著革職交刑部治罪吳紹詩並著交部察議至所稱若撒留另行委員伴送恐外藩不免詫異有關國體之語尤屬不知事體伴送貢使官員于所過地方多事貢使亦豈不知該督撫卽能據實糾參羈留待罪另派委員伴送正足使外藩陪臣知天朝大法小廉紀綱整肅于國體豈不爲增重何轉慮其妄生詫異乎嗣後有此等情事該督撫一面參奏一面卽將差員撒留另派妥幹知府同知一員伴送著爲令吳紹詩摺并發並將此通諭中外知之欽此



諭督撫貢物 乾隆三十二年

上諭督撫大吏向不令其歲時進奉屢降諭旨甚明  
其有以土物充貢如紙筆香扇等類尚可留備賞  
賜之用亦籍以聯上下之情從不使其購珍竒以  
滋糜費此中外臣工所共知者昨廣東巡撫王檢  
貢物內有小珍珠一項甚爲不取夫珠寶饑不可  
食寒不可衣于實用有何裨益業令奏事處發還  
恐各督撫尚有未能盡喻朕意者著將此明白通  
諭知之欽此

臣等謹按古之聖王綏猷廟堂外康寓旬其綱

福建續志

卷首

典謨四

三

維萬事之畧疇咨告戒之文日出海隅罔不祇  
若聲教故典謨之書史臣紀之至於郡國外史  
祇取徵采土風然遇懿言醇行型訓方俗雖在  
微末猶備錄焉况渙汗所頒

皇猷炳煥者哉十閩處東南海嶠

國朝以來吏民沐浴

德化

列聖綏柔教養之澤家諭人曉前志首述

典謨所以識遵道之盛也我

皇上丕承



先烈振紀陳綱慶越邃古臣等嚮嘗簪筆

起居仰承

天語今續纂通志自乾隆元年之  
睿誥宏章謹登厥要而

祖宗訓典復敬為補遺以垂示方國永永遵守亦前志

所未備也臣廷芳臣嗣富拜手稽首恭識

福建續志卷首終

福建續志

卷首

典謨四

三